

SUFFRAGIUM COLLEGIALE
74 23-24
THEOLOGORVM
MAGNÆ BRITANNIÆ
DE 74-32
QVINQVE CONTRO-
versis Remonstrantium
ARTICULIS,
SYNODO DORDRECHTANÆ
EXHIBITUM
A N N O M. DC. XIX.
Judicio SYNODICO prævium.



LONDINI,
Impressum R. YOUNG, impensis R. MILBOURNE. 1626.

7989 78





THEOLOGORVM MAGNÆ BRITANNIÆ SENTENTIA,

DE PRIMO ARTICULO:

Nempe de *Electiōe,*
Reprobatione,

I. De Electiōe Theses *Orthodoxæ* quas ponimus,
& confirmamus.
Heterodoxæ, quas rejicimus,
& refutamus.

ORTHODOXA THESIS I.

Decretum electiōis, seu Prædestinationis ad salutem, est efficax voluntas Dei, qua, pro suo beneplacito, ad demonstrationem suæ misericordiæ, salutem hominis lapsi intendit, eique mediata talia præparavit, quibus electos ad istum

A 2

UNIVERSITY
LIBRARY
CAMBRIDGE

istum finem efficaciter & infallibiliter perducere voluit.

Explicatio & Confirmatio.

Efficax decretum] Efficacem voluntatem appellamus hoc decretum electionis: quia respicit, non nudum ordinem ad vitam, relinquens hominem sic ordinatum in manu arbitrij sui (sicuti Adam fuit ad beatitudinem ordinatus) sed respicit atque discernit ipsum eventum ordinis. Est enim voluntas hæc cum potentia Dei conjuncta; Ephes. 1. 11. Isai. 14. 24. *Dominus exercituum decrevit, & quis potest infirmare?* Psalm. 113. *Omnia quaecunque voluit, fecit.* In quem locum vide Aug. Enchirid. cap. 75. Rom. 8. 30. *Quos predestinavit, glorificavit,* Ioh. 6. 39. *Hæc est voluntas ejus, qui misit me, ut nihil perdam ex eo, quod dedit mihi.* Et vers. 37. *Quicquid dat mihi Pater, veniet ad me.*

Hujus voluntatis causam motivam non agnoscimus aliam, præter merum Dei beneplacitum. Rom. 9. 18. *Cujus vult, miseretur.* Ephes. 1. 11. *Predestinati secundum propositum ejus, qui omnia efficit secundum consilium voluntatis sue,* Rom. 9. 11, *Nondum natis pueris, cum nihil fecissent boni aut mali, ut propositum Dei secundum electionem maneret.* Agit autem hoc speciali modo Deus cum certis hominibus, ad relucentiam suæ misericordiæ, Rom. 9. 23. *Ut notas faceret divitias gloriæ suæ erga vasa misericordiæ;* iidemque in lapsus statu consideratis, ut pote è massa perditionis liberandis. Eph. 1. 4. *In ipso (Christo.) elegit nos.* 1. Tim. 1. 15. *Venit autem Christus peccatores salvos facere.*

Denique, ne ab æterna intentione discrepet operatio temporalis; qui efficaciter electos ad salutem destinavit, media illis administrat prædictæ intentioni consentanea; hoc est, ea, quæ Deus novit fore illis de facto salutifera. 2.

Tim.

Tim. 1. 9. *Servavit nos vocatione sancta.* 2. Thesl. 2. 13. *Elegit vos Deus ad salutem in sanctificatione Spiritus; & in fide veritatis; ad quod & vocavit vos per Euangelium nostrum.* Eph. 1. 4. *Elegit nos ut Sancti simus & immaculati.* Matth. 13. 11. *Vobis datum est nosse mysteria regni calorum.* Ex quibus Scripturæ oraculis constat Deum ex prævio electionis decreto illa omnia, nempe Euangelii cognitionem, vocationem, fidem, justificationem, sanctificationem, perseverantiam, saluti destinatæ adipiscendæ subordinaſſe.

Ex multis Patrum dictis pauca delibemus. *Cum nos* Aug. de præd. Sanct. cap. 19. *prædestinavit, opus suum præſcivit, qui nos sanctos & immaculatos facit.*

Deo volenti salvum facere, nullum hominum resistit arbitrium. Sic enim velle aut nolle, in volentis aut nolentis est Aug. de Correp. & gratia cap. 14. *potestate, ut divinam voluntatem non impediatur, nec superet potestatem.*

Sic docet eos, qui secundum propositum vocati sunt, simul August. de Grat. Christi cap. 13. *donans, & quod agant scire, & quod sciunt agere.*

Quamvis magna pars hominum salvantis gratiam aut repellat, aut negligat, in electis tamen, & præſcitis, atque ab omnium generalitate discretis, specialis quadam censetur universitas, ut de toto Mundo totus Mundus liberatus videatur. Prosp. de Vocat. lib. 1. cap. 9.

Est pars quadam generis humani, quæ merito fidei divinitus inspiratæ ad summam atque æternam salutem specialibus De Vocat. lib. 2. cap. 31. *beneficiis provehitur.*

THESIS II.

Christus est caput, & fundamentum Electorum: adeoque omnia beneficia salutifera in Decreto Electionis preparata, non nisi propter Christum & in Christo, conferuntur electis.

IN personarum singularium electione aeterna Deus, uno eodemque actu, & Christum iisdem caput assignat, simulque eos pro beneplacito suo membra Christi constituit: quo ex proposito Deus eos, etiam ante temporaneam vocationem, ut Christo datos, ac in eodem electos, sibi-que acceptos, intuetur. Ephes. 1. 3. *Benedixit nos in omni benedictione spiritali in Christo.* vers. 4. *Elegit nos in ipso.* vers. 7. *In eo habemus redemptionem per sanguinem ejus, & remissionem peccatorum.* vers. 13. *In eo obsignati sumus.* Quicquid electis intenditur ab aeterno; quasi conclusum tenetur in voluntate divina, nec nobis immediatè communicatur, nisi propter Christum, per Christum, & in Christo. Coloss. 2. 3. *In quo sunt omnes thesauri sapientiae, & scientiae absconditi.* vers. 7. *Radicamur, & superaedificamur in ipso.* vers. 10. *In ipso completi sumus.* Denique fons est, à quo omnes gratiae salutaris rivuli ad nos emanant, Ioan. 1. 16. *De ejus plenitudine omnes accepimus & gratiam pro gratia.* 2. Tim. 1. 9. *Vocamur vocatione sancta, secundum propositum (Dei,) & gratiam, quae data est nobis in Christo Iesu ante tempora secularia.*

Aug. de Pred. sanct. cap. 15. Sicut praedestinatus est ille unus, ut caput nostrum esset, ita multi praedestinati sumus, ut membra ejus essemus.

ibid. cap. 16. Vocat Deus praedestinatos multos filios suos, ut eos faciat membra praedestinati unici Filij sui.

Aug. de Bon. persever. cap. 7. Post casum hominis non, nisi ad gratiam suam, Deus voluit pertinere, ut homo accedat ad illum. Hanc gratiam posuit in illo, in quo sortem consequuti sumus, praedestinati secundum propositum.

THE SIS III.

Fides, perseverantia, omniaque gratiae dona ad salutem perducentia, sunt fructus & effecta electionis.

Agnosci-

Agnosimus in nonnullis quædam dona gratiæ, quæ ad communem Dei providentiam supernaturalem sunt reducenda : sed ea dona, quæ habent infallibilem connexionem cum gloria, & operantur efficaciter ad ejus consecutionem (sicut facit fides justificans, & perseverans) sunt æternæ electionis ipsissima effecta. Act. 13. 48. *Crediderunt, quot quot ordinati sunt ad vitam æternam.* Tit. 1. 1. *Fides electorum Dei.* 1. Pet. 1. 5. *In Dei potentia custodimur per fidem in salutem.*

Per hanc Prædestinationem propositi Dei fideles sunt, qui præordinati sunt ad vitam æternam. Prosp. Epist. ad Aug.

Prædestinatio Dei, quæ in bono est, gratia est preparatio, gratia vero est ipsius prædestinationis effectus. Quando ergo promissit Deus Abraham in semine ejus fidem gentium, non de nostræ voluntatis potestate, sed de sua prædestinatione promissit. Promissit enim, quod ipse facturus erat, non quod homines. Aug. de Præd. Sancti, cap. 10.

Namquid dixit, Non ex operibus, sed ex credente? Prorsus Ibid. cap. 16. etiam hoc abstulit homini, ut totum daret Deo.

Intelligamus vocationem, quæ sunt electi, non qui eliguntur, quia crediderunt, sed qui eliguntur, ut credant. Nam si propterea electi erant quoniam crediderunt, ipsi eum prius utique elegerant, credendo in eum, ut eligi mererentur. Cap. 17.

Hæc dona Dei dantur electis, secundum Dei propositum vocatis in quibus est & incipere credere, & in fide ad hujus vitæ terminum perseverare. Ibid.

THESIS IV.

Electionis decretum est definitum, inconditionatum, completum, irrevocabile, immutabile: ita ut electorum numerus nec augeri possit, nec minui.

IN Prædestinatione media salutis non minus absolute decreta sunt, quam salus ipsa. Nam licet salus in executione pendeat ex conditionato usu mediorum, tamen Dei ad salutem eligentis voluntas non est conditionata, incompleta, aut mutabilis: quia absolute statuit dare electis vim & voluntatem implendi ipsas condiciones, scilicet resipiscentiæ, fidei, obedientiæ, & perseverantiæ. Dei enim prædestinantis decretum non in hanc formam concipitur, Ego Petrum, si contigerit eum credere, & perseverare, eligam ad vitam æternam: sed potius hoc modo, Ego eligo Petrum ad vitam æternam, quam ut infallibiliter consequatur, ego ei dabo fidem perseverantem. 2. Tim. 2. 19. *Firmum stat fundamentum Dei, Deus novit qui sunt sui.* Rom. 9. 11. *Vt secundum electionem propositum Dei maneret.* Rom. 11. 28. 29. *Secundum electionem dilecti. Sine pœnitentia enim dona & vocatio Dei.*

*Prosp. ad Capit.
Gallor. resp.*

Hæc filiorum Dei adoptio, hæc gentium plenitudo præscita, & prædestinata in Christo, quæ ab initio usque in finem lapidibus vivis & electis adificatur. De his lapidibus nihil ejicitur, nihil minuitur, nihil rapitur.

THESES HETERODOXÆ

DE

ELECTIONE,

quas rejicimus.

THESIS I.

Decretum, quo Deus statuit resipiscentes, & credentes perseveranter, in Christo, per Christum, & propter Christum salvari, totum

tum esse & integrum decretum prædestinationis ad salutem.

EST quidem decretum hoc annunciativum salutis, omnibus ex æquo & indiscriminatim promulgandum, modumque præscribens, quo electi sunt ad salutem perducendi. At in hoc non explicatur tota fabrica prædestinationis divinæ in Sacris Scripturis descriptæ. Decretum quippe prædestinationis infert singulares quædam personas prædestinatas, Deo notas, ac ab alijs ipso electionis decreto segregatas, Mat. 20. 16. *Multi vocati, pauci electi.* Rom. 11. 5. *Reservatio secundum electionem.* 2. Tim. 2. 9. *Deus novit, qui sunt sui.* Supradictum vero decretum neminem de facto prædestinar, neminem segregat, neminem libro Vitæ inscribit; illo stante, poterunt nihilominus omnes mortales prorsus reprobari, poterit nulla in terris manere, nulla omnino fuisse, aut fore, Dei Ecclesiæ: quo absurdo non modo vacillat decretum illud promissorium, Matth. ult. 20. *vobiscum sum omnibus diebus usque ad consummationem sæculi*: sed universa tollitur Scriptura, quæ necessario supponit Ecclesiam, cui, & propter quam consignata est.

Denique, si non esset aliud, quam hoc Prædestinationis Decretum, Christus ipse non statueretur ex ullo decreto divino prævio caput Ecclesiæ certo futurum; utpote cui nulla infallibiliter assignentur membra: nec posset Christus dici infallibiliter ~~regnum~~, ut Rex, nisi ei dentur ex decreto divino positivo subditi certo extituri; cum tamen Scriptura non minus certum ac inconditionatum innuat Dei decretum de Christo capite ac Rege constituendo, quam de eodem incarnando, ac passuro. Ephes. 1. Enarrato redemptionis mysterio, præmissæ Christi passioni, resurrectioni, ascensioni, subjungit statim Apostolus vers.

22. (ut ex eodem decreto emanans) *Et ipsum dedit caput super omnia Ecclesiam, quæ est corpus ejus. Luc. 1. 33. Regni ejus non erit finis. Actor. 2. 36. Dominum eum fecit Deus.*

eg. de Bono. *Hæc Prædestinatio Sanctorum nihil aliud est, quam præscientia & preparatio beneficiorum Dei, quibus certissime liberantur, quicumque liberantur.*

THESIS II.

Electionem singularium personarum peremptoriam, esse ex prævisione & consideratione fidei in Christum, & in eadem fide perseverantia, tanquam conditionis in eligendo prærequisite.

Prævisa fides, & perseverantia in fide, sequuntur decretum vocationis secundum propositum. At talis vocatio pendet ab antecedaneo prædestinationis decreto, Rom. 8. 30. *Quos prædestinavit, hos & vocavit. Actor. 13. 48. Crediderunt, quotquot ordinati erant ad vitam æternam.*

Deus neminem prævidet ut in fide & sanctitate ad extremum usque halitum perseverantem, nisi quem voluntate antecedanea decrevit ita custodire, nisi quem operatione & protectione singulari, à prædicta voluntate manante, reapse per totum vitæ curriculum gubernat, & in via salutis conservat. Ioh. 10. 28. 29. *Oves meæ non peribunt in æternum, Nec rapiet eas quisquam è manu mea. Nec quisquam potest rapere eas è manu Patris mei. Matth. 24. 24. Ut in errorem inducantur, si fieri posset, etiam electi.* Cum igitur perseverantia in fide fundetur in Electione Dei, electio non potest esse ex prærequisita conditione perseverantis fidei.

Porro decretum conferendi gloriam & salutem perseveranter

veranter credentibus in exitu hujus vitæ, ut præmium fidei, obedientiæque præstitæ, est actus justitiæ, vel saltem fidelitatis aut veritatis. At juxta Scripturas electio est actus gratuitus, indebitus, gratiosus, actus amoris & misericordiæ specialis, fundatus in mero beneplacito divino. Luc. 12. 32. *Complacuit Patri vestro dare vobis regnum.* Ephes. 1. 11. *Prædestinati secundum propositum ejus, qui operatur omnia secundum consilium voluntatis sue.*

Pari ratione ab electione excludenda est prævisa fides, qua prævisa opera. Aequè scilicet dici poterit Deus elegisse sanctos propter conditionem sanctificationis annexam, ac credentes propter conditionem fidei. Neque enim obscurum est fidem hanc, prævisam penitus transire in naturam operis: quod apertius constat ex adjuncta conditione perseverantiæ, quæ certè nil aliud quam obedientiæ, sanctimoniam, ac bonorum operum segetem completur.

Denique data hac electione prævisionali, sequitur Christum prius à nobis electum, quam nos à Christo, contra illud Ioan. 15. 16. *Non vos, me elegistis, sed ego elegi vos.* Quod oraculum sæpè ab Augustino est inculcatum.

Electiõnem, quam significat Dominus, dicens, Non vos me elegistis, sed ego vos elegi, nec ipsa fides præcedit. Non enim quia credidimus, sed ut credamus, elegit nos, ne priores eum elegisse dicamur. Aug. de præst. Sanct. cap. 1

Electiõnem gratiæ nulla humana merita præcedunt: & fides, unde incipiunt omnia merita, donum Dei est, ne gratia non sit gratia, si aliquid eam, propter quod tribuitur, antevenit. Prosp. ad corp. Gener. Resp. 1.

THESIS III.

FIdem & perseverantiam in fide non esse fructus, sive effecta, electionis ad salutem.

SI Deus, qui solus dator est fidei perseverantis, priusquam fidem talem det, aut decernat dare, intelligat eam fore ipso facto recipienti salutiferam, tum procul dubio dat quoque illam eo animo & absoluta intentione, ut sit salutifera. At sic dare est dare ex prævia intentione servandi infallibiliter: quod idem est acque dare ex decreto electionis. Fides igitur perseverans est fructus hujus Decreti, vel gratia specialis in hoc Decreto præparata. Vnde Tit. 1. 1. appellatur *fides electorum Dei*. Eph. 1. 5. *prædestinati sumus in adoptionem filiorum*. Atqui in actuale statum hujus filiationis admittimur per fidem. Ioan. 1. 22. *Dedit iis potestatem filios Dei fieri, his qui credunt in nomine ejus*. Ergo Fides ipsa emergit ex Prædestinatione.

THESIS IV.

Electionem ad salutem non esse unicam, sed aliam indefinitam, aliam definitam; atque hanc vel incompletam, revocabilem, mutabilem; vel completam, irrevocabilem, immutabilem.

TAmetsi divinæ electionis varii sunt actus assignabiles ratione variorum objectorum, finis scilicet & mediorum, Scriptura tamen nusquam meminit vel diversorum graduum, vel specierum, electionis. Nam electio est, quædam infallibilis ordinatio singularium personarum ad salutem, in mente ac voluntate divina. Indefinita igitur, quæ fingitur, electio, non est vera electio: quia nullam singularem personam ordinat ad salutem: sed tantum modum perveniendi ad salutem promiscue omnibus ostendit, & præscribit.

Præterea, cum electio unico actu perficiatur, ac, ex natura rei, sit in eorum numero, quæ non per incrementa gradatim

gradatim succrescunt, ut sanctificatio, mortificatio, &c. sed quæ (ut loquuntur) in indivisibili consistunt, ut justificationis, sive à peccatis absolutio; certe fingi non potest intentionis aut remissionis capax, adeoque complementum successivum nullo modo admittit, ut hodie in completa, cras completa censeatur, Multo minus poterit manca hæc semi-electio pro Electione haberi; quæ nempe non ordinat ad salutem infallibiliter, sed solummodo disponit per qualitatem aut actum contingentem, quæ cum vita æterna connexionem necessariam (ex eorum sententia) non habet.

Denique, quæ revocabilis & mutabilis statuitur, non est veri nominis electio. Siquidem electio denotat propositum firmum, & consilium immutabile Dei; electos ad beatitudinem ordinantis. Heb. 6. 17. *ut quæ dicitur tunc fides. Deus ostendit pollicitationis heredibus immutabilitatem consilii sui.*

Prædestinationem duo sequuntur, supeditatio auxilii ad consequendum finem, & finis consecutio.

Qui dispensationes Dei ex liberi arbitrii vult mutabilitate variari, proficitur sibi scrutabilia judicia Dei.

Aquin. Quest. disp. de prædest. Art. 1. Prosp. ad cap. Gall Resp.

THESIS V.

Objectum electionis peremptoriæ & completæ esse hominem non nisi in exitu hujus vitæ consideratum.

In ipso exitu hujus vitæ fidelis consideratur, non ut eligendus, sed ut introducendus in regnum paratum ei ante jacta mundi fundamenta, 2. Tim. 4. 7. *Cursum consummavi. Quod superest, reposita est mihi corona, quam reddet*

mibi in illa die Dominus justus iudex. Non dixit Apostolus, quod superest, jam eliget me Deus ad coronam vitæ æternæ; sed jam illam reddet.

Porto, si electio inciperet ab exitu tantum hujus vitæ, ratio prædestinationis sive electionis, nihil omnino posset conferre fidelibus ad cursum suum in fide ac pietate consummandum. At prædestinatio tam ad media in via, quam ad finem in vitæ termino se extendit, ac per infallibilia media ad præstitutum scopum electos quasi transmittit. Rom. 8. 30. *Quos prædestinavit, hos vocavit; quos vocavit, hos justificavit; quos justificavit, hos glorificavit.* Quod si objectum electionis completæ esset homo in extremo vitæ momento positus, ea omnia invertenda essent hoc modo, Quos vocavit, hos justificabit; quos justificavit, hos (in futuro) prædestinabit.

Porro 2. Tim. 1. 9. *Vocatus sumus vocatione sancta ex Dei proposito & gratia, quæ data est nobis in Iesu Christo ante tempora secularia.* Propositum hoc Dei cum sanctam vocationem præcedat, eique fundamentum præsternat, hominem certè considerat, ut firmæ secundum hoc propositum electionis subiectum, non in vitæ hujus exitu positum, sed ante ipsius vitæ initia, imo ante tempora secularia ad completissimam electionem consilio divino destinatum. Nec poterit quidem ulla figi electio definita ad gratiam efficacem, ad fidem, ad adoptionem. (Ephes. 1. 5. &c.) si hæc considerentur ut pendula: nec præstituta erit à Deo futura electi perseverantia, sed prævisa tantum in homine eligendo. Adeoque hic actus Dei erit tantummodo subsequens approbatio, qualis etiam ab homine futurorum nescio præstari poterit, non prævia & operosa electio, qualem omnem electionem esse ratio ipsa & vis nominis cogit.

Denique Ioan. 10. 16. Gentes nondum vocatas, mul-

tō magis nondū in finali perseverantia constitutas, Christus oves suas appellat, nempe prævio integræ & completæ electionis signaculo segregatas.

Qui facit oves homines, ipse ad obedientiam pietatis humanas liberat voluntates: sed quare istos homines oves facit, istos non facit, apud quem non est acceptio personarum? O homo! quis tu es &c. Vos dicitis, ex futuris operibus, quæ Deus illum facturum esse præsciebat, Iacob fuisse dilectum; atque ita contradicitis Apostolo dicenti, Non ex operibus: quasi non posset dicere, non ex presentibus, sed ex futuris operibus.

Electi sunt ante Mundi constitutionem ea prædestinatione, in qua Deus sua futura facta præcivit: electi sunt de Mundo ea vocatione, qua Deus id, quod prædestinavit, implevit.

THE SIS VI.

Nullum esse fructum, aut sensum suæ electionis à quoquam in hac vita perceptibilem, nisi conditionatum.

Adoptio filialis est fructus electionis proprius, genuinus, ac inseparabilis, estque ab electis in hac vita perceptibilis, hoc ipsorum cordibus revelante spiritu adoptionis. Gal. 4. 6. *Quoniam estis filii, misit Deus Spiritum filii in corda vestra clamantem Abba Pater. Quod si filius, hæres Dei.* Rom. 8. 15. &c. *Accipistis Spiritum adoptionis filiorum, in quo clamamus Abba Pater. Ipse enim Spiritus testimonium reddit Spiritui nostro, quod sumus filii Dei.* &c. Ephes. 1. 14. *Signati estis spiritu promissionis. Sancto, qui est arrhabo hereditatis nostræ.* Arrhabonem dicit hereditatis nostræ, certum indicium, nos nunquam exhæredandos, sed tandem istam hæreditatem consequuturos. Rom.

5.2. *Gloriamur sub spe gloria Dei, & vers. 5. spes hac non confundit* (vel pudefacit.) Huic solidæ paci conscientia, gloriationi piorum, & spei infusæ, non subest fallum; quia & à Deo immittuntur electis, & eo fine eorum animis infiguntur, ut sint certi immutabilis electionis *certitudo*.

Fatemur electionem nostram, à priori nobis non esse perceptibilem, sed proprii eiusdem effectus percipi possunt: & ab effectu proprio ad causam valet argumentatio. Fatemur insuper in ipsis Dei filiis certitudinem electionis suæ non adeo semper firmam & continuam manere, quin subinde per tentationes concutiat, ac ad tempus supprimatur, adeo ut non solum certitudinis gradus minuatur, sed & ipsa electio quoad electorum sensum & apprehensionem, videatur incerta & evanida.

Fatemur denique electos iustificatos, cum in gravia peccata incidunt, iisdemque adhæreant, non modo hoc electionis suæ præsentis gustu privari, sed etiam magnam concipere formidinem contrarii, nempe ire divinæ, vindicisque iustitiæ. Et merito, cum Spiritus Sanctus non dignetur hanc cælestem & suavem solatii Mannam communicare conscientia contaminatæ, ac in sordibus suis adhuc volutanti, sed solummodo animæ purgatori, ac fidei, poenitentia, sanctitatisque studia exercenti: Animos autem fidelium experrectos, ac è sordibus resurgentes putamus denuo refici à Deo, ac subinde suavi vitæ æternæ, ante iacta mundi fundamenta illis præparatæ, ac debito tempore infallibiliter conferendæ, sensu recreari, Sed de his aptius in 5. Articulo.

Clemens Alexandr. Stromat.

Tertull. ad Marc. lib. 5. Bernard. Epist. 107.

Vir fidelis per fidem accepit, id quod est in æternum aliis. & negat & inopem, ipso promisso potitur.

Vt certum esset nos esse filios Dei, misit spiritum suum in corda nostra clamantem, Abba Pater.

Iustus quis est, nisi, qui amanti se Deo vicem rependit amoris?

rius quod non fit, nisi reuelante spiritu per fidem homini aternum. Dicitur adpositum super sua salutem, ut aqua sanctorum velatio non est aliud, quam infusio gratia spiritualis, per quam dum facta carnis mortificantur, homo ad regnum preparatur, quod caro & sanguis non possidet, simul accipiens in uno spiritu & unde se presumat amatum, & unde redimes, ne gratis amatus sit. (i. e. frustra.)

THESIS VII.

Parvulorum ante usum rationis morientium, nullam esse electionem.

Dato uno heterodoxo, cumulantur alia. Hoc scilicet ex eo emergit, quod in omni electione fidem, cui superfundetur, praevisam requirant: quae certe in infantibus praevideri nequit. Nos autem contra demonstramus haec esse

Quorum datur in tempore introductio in vitam aeternam, eorum procul dubio ante tempora secularia fuit electio ad vitam aeternam. Alioqui numerus glorificatorum excederet numerum praedestinatorum. Atqui illud reciproce & adaequate ponendum, Quos praedestinavit, hos glorificavit: Hos nempe, & non alios, ut habet August. de Praed. Sanctor. cap. 27.

Scriptura supponit, aliquorum parvulorum in vita scripta esse in libro vitae, eosque sistendos coram tribunali Dei, Apoc. 20. 12. ac admittendos in novam Hierusalem. Apoc. 21. 27. Item, Luc. 18. 16. Talium est regnum caelorum. Porro qui ex mera gratia admittuntur in regnum caelorum, illi gratuito beneplacito fuerunt ante electi ad regnum caelorum. At quotquot ex infantibus coelum

non

C

ingre-

ingrediuntur, illis vita aeterna. charisma est per Iesum Christum, Rom. 6. 23. Ergo ad illud electi fuerunt in Christo.

Sin hiesit huius Theseos sensus, Non esse electionem infantium, hoc est, inter infantes unius prae. alio, quasi omnes promissionē salventur, certe nec ullis fundamentis nititur ipsa hypothesi, nec ea concessa, inde Thesis praedicta consequetur. Nam ad rationem electionis divinae five ponendam seu tollendam, circumstantia aetatis est quiddam impertinēs, & nihil profus operatur: Fac igitur omnes infantes servari, ne uno quidem praeterito, tamen, quia electio & praeteritio respicit massam, non aetatem, licet non è numero infantium, tamen è communi massa hominum peccatorum segregati sunt: quod ad electionis rationem constituendam sufficit.

rosper. de Liber.
trahit.

Effuderunt se divitia bonitatis Dei in ipsa quorundam primordia parvulorum, in quibus nec praecedens nec futura eligitur devotio.

rosper Ep. ad
august.

Parvuli nullas adhuc habentes voluntates, nullas propriae actiones, non sine Dei iudicio secernuntur: alii assumuntur heredes, & alii transeunt debitores.

aug. de bono

serv. cap. 11.

Parvulus quibus vult, etiam non volentibus neque currentibus subvenit, quas ante constitutionem mundi elegit in Christo.

THESIS VIII.

Beneplacitum Dei, quo ex multis conditionibus possibilibus, statuit solam fidem eligere, & acceptare in conditionem communicandae salutis, esse illud solum, & el praecipuum bene placitum, de quo Scriptura loquitur, & ex quo personae singulares eliguntur.

Non

Non negamus esse ejusmodi bene placitum Dei in Evangelio patefactum, quo statuit fidem eligere in conditionem conferendæ salutis: id est quo actua-lem salutis adeptionem, saltē respectu adultorum, ex fidei præcedentis conditione suspensam esse voluit. Atque hic lætus est ille, salutarisque nuncius, universis gentibus nomine Christi promulgandus. Sed hoc non est Decretum ipsum Electionis appropriatè sumptum, ac tantopere celebratum ab apostolo. Nam illud decretum est practicum, particulares personas ordinans ad salutem; non res, vel rerum connexionem in ordine ad salutem disponens; & ad ipsas creaturas terminatur, non ad qualitates. Ephes. 1. 4. *Elegit nos, scilicet homines.* Rom. 8. *Quos prædestinavit. nempe homines.* Matth. 20. *Pauci electi. nempe homines;* At qualitas ipsa fidei hoc sensu non electa dicitur, sed electis præscripta & donata, ac ab æterno præparata. Nam est una ex primariis *spiritualibus benedictionibus*, quas universas in Christo electi accipiunt. Eph. 1.

Postremo, non recte affirmatur ex hoc beneplacito, quo fides sola statuitur in conditionem communicandæ salutis, eligi homines singulares. Nam, elegi, est, præteritis aliis, ad vitam æternam destinari. At in prædicto decreto nulla singularis persona eligitur, nulla præteritur; sed omnes pari eademque conditione ad salutem ex æquo vocantur & designantur.

*In sua, que falli mutarique non potest, præscientia, su- Augst. de bono-
tura opera disponere, id omnino, nec aliud quicquam; est Pericu. Cap. 16.
prædestinare.*

II. DE REPROBATIONE.

THESIS ORTHODOXA. I.

Reprobatio proprie dicta, seu non-electio, est æternum Dei decretum, quo statuit, pro liberrima sua voluntate, quarundam personarum in Adamo lapsarum, non usque eo misereri, ut eas per Christum efficaciter eripiat è statu miserie, & infallibiliter ad beatitudinem perducatur.

Reprobatæ actus proprios, quæ Electioni opponitur, non alios esse putamus, quam negationem ejusdem gloriæ, ejusdemque gratiæ, quæ in electione filiis Dei præparantur. Præparantur autem illis in decreto electionis gloria, & gratia efficax: & ea intèrione, ut sit efficax: id est, ut ad dictam gloriam per talem gratiam infallibiliter perveniant. Hujusmodi gratiam & gloriam reprobatæ præparari negamus.

Hanc non-electionem in liberrima Dei voluntate fundari dicimus, Rom. 9. 11. *Ut propositum Dei secundum electionem maneret, non ex operibus, sed ex vocante, dictum est, Jacobum dilexi, Esau autem odio habui* id est non ita dilexi, ut per gratiam ad gloriam certo perducerem. Item vers. 15. &c. *Miserebor, cujus miserebor. &c. Cujus vult misereatur, & quem vult, indurat.* Et vers. 21. *An non habet potestatem figulus luti, ex eadem massa facere aliud quidem vas in honorem, aliud vero in contumeliam?* Ioh. 10. 26. *vos non creditis, quia non estis ex ovibus meis.*

Porro gloria coelestis nemini debetur, sed est

de qua s. dicitur. Rom. 6. 23. *donum gratuitum Dei.* Ergo Deus pro liberrima sua voluntate potest, quem vult, eligere ad gloriam, & quem vult, non eligere, seu præterire; idque sine omni iniustitiæ, aut inclementiæ aspersione, cum in gratuitis conferendis nullus superfit locus iniustitiæ; nec ulla inclementia sit, nedum crudelitas, negare alicui, quod illi nullo modo debeat; præsertim ubi maximum in persona oblata reperitur demeritum, quod non modo beneficia gratuita non expectat, sed supplicia flagitat justissima: qualis est totus humani generis status Deo electuro vel relicturo representatus. Quod autem hic de gloriæ donatione dictum; idem plane de gratiæ efficacis indulgentia dicendum.

Ecce misericordia, & iudicium: misericordia in electio-
ne, iudicium in eos, qui excacati sunt.

*Auguſt. de
præd. Sanctor.
cap. 6.
de Corrupt. &
gratia cap. 136.*

Qui non pertinent ad certissimum & felicissimum num-
merum Prædestinatorum, dimittuntur libero arbitrio.

Qui Dei altiore iudicio à perditionis massa non sunt gra-
tia Prædestinationis discreti, ipsis non adhibentur dicta di-
vina vel facta, per quæ possent credere, si audirent talia,
vel viderent.

*de Bono persev.
cap. 14.*

THESIS II.

HÆc non-electio, sive præteritio, non præsupponit in homine præterito aliquam qualitatem vel conditionem aliam, quam quæ in electo reperta est, & quæ toti massæ corruptæ sit communis.

Deus ex misericordia eligens, invenit electum in massa corrupta, eadem miseria obrutum, quæ cæ-

teri, & ex sua præfenti conditione morti obnoxium. Rom. 9. 15. *Miserebor cuius miserebor.* Et vers. 23. *Vt ostenderet diuitias gloriæ suæ in vasa misericordiæ, quæ preparauit in gloriam.* Versu autem 22. de reprobatis. *Volens Deus ostendere iram suam, & notam facere potentiam suam.* Ita objectis æqualibus propositis, Deus, cur quosdam liberarit, non omnes, cur hos potius, quam illos, rationem non petit ex ulla ipsorum inter se disparitate, sed tantum ex liberrimo suo beneplacito de manifestanda hinc ditissima gloria, illinc iustissima ira sua, cum facit hos, quales non erant, vasa misericordiæ, illos, quales in proximo erant, vasa iræ. Ejus rei typus extat, Ezechiel. 16. ubi impuritas omnium naturalis describitur. vers. 4. Et Dei seligentis benignitas. vers. 6. *Cum esses in sanguine tuo dixi tibi, vive, dixi, inquam, tibi: reliquis nempe relictis in impuritate sua.*

August. de Bono
Persev. cap. 8.

Qui liberatur, gratiam diligit, qui non liberatur, debitum agnoscit.

Aug. contr. Iu-
lianum, Lib. 5.
cap. 5.

Quamvis omnes ex eadem massa perditionis & damnationis secundum duritiem cordis sui, quantum ad ipsos pertinet, thesaurizent sibi iram; Deus tamen inde alios per misericordem bonitatem adducit ad penitentiam, alios secundum iustum iudicium non adducit.

Prosp. de Vocat.
gent. Lib. 1.
cap. 17.

Ex exquisitis in ipso vite exitu gratia invenit quos adoptet, cum multi qui minus nocentes videantur, doni huius alieni sint.

THESIS III.

QVando Deus salutiferum Evangelium quibusdam concedit nationibus, non hoc facit ex consideratione specialis alicujus dignitatis

tis in iisdem. Quando negat hoc beneficium aliis, est semper in illis concomitans indignitas, quibus negatur. Mera tamen voluntas Dei causa est, cur nolit hisce eam misericordiam exhibere, quam aliis non minus indignis pro suo beneplacito exhibuit.

DEut. 9. 4. *Ne dicas in corde tuo, Propter iustitiam meam introduxit me Dominus, ut terram hanc possiderem, cum propter impietates suas iste deleta sint nationes, &c. vers. 5. Et ut compleret verbum suum Dominus, quod sub juramento pollicitus est Patribus tuis.*

Pari ratione semper invenit Deus ubique cur Evangelium non det prædicandum, vel datum auferat. Quibus autem indulget, non propter ipsorum iustitiam, vel minorem, quam alibi reperiatur, improbitatem, id largitur quasi ex congruo, sed propter beneplacitum suum, & libertatem spiritus, qui spirat ubi vult, & qua diu vult.

Si hoc voluntatum meritis voluerimus ascribere, ut malos neglexisse gratia, bonos autem elegisse videatur, refutabit nobis innumerabilium causa populorum, quibus per tota sæcula celestis doctrina annuntiatio non coruscavit. Nec meliores fuisse eorum posteros possumus dicere, quibus Scriptum est, Gentium populus, qui sedebat in tenebris, lucem vidit magnam.

Proff. de vocat. genti. Lib. 2. cap. 15.

THESIS IV.

Eorum quibus illuxit Evangelium, nonnulli, etsi multis gratiæ donis imbuantur, libere tamen simulque infallibiliter in ea peccata, per-

mit-

mittente Deo, incidunt, in quibus derelicti, atque in eisdem ad mortem perseverantes justæ damnationi se reddunt obnoxios.

HOs, etsi non Electos, percipere tamen multa gratiæ divinæ effecta, non negamus. Qualia sunt, quæ commemorantur, Heb. 6. 4. *Illuminatio, gustus donicælestis, Verbi, & virtutum futuri sæculi.* Quæ omnia vertūt sibi in gravius exitium; suo scilicet arbitrio relictæ, & secundum Decretum electionis in Christo minime fundari. Rō. 11. 7. *Electio consequuta est, reliqui occalluerunt.*

Prosp. ad cap.
Gall. Resp. 2.

Qui recedit à Christo, & alienus à gratia finis hanc vitam, propter postrema crimina morte afficietur. Quod quia Dei præscientiam nec latuit nec fefellit, sine dubio talem nunquam elegit, nunquam prædestinavit, & periturum, nunquam ab æterna morte discrevit.

Aug. de cor. &
grat. 12.

Aliqui gratiam Dei suspiciunt, sed temporales sunt, nec perseverant, deserunt, & deseruntur: dimissi enim sunt liberæ arbitrio.

THESIS V.

DEus neminem damnat, aut damnationi destinat, nisi ex consideratione peccati.

DEus bona gratiæ dispensat pro liberrima sua voluntate. Matth. 20. 15. *Annon licet mihi facere, quod lubet, de meo? mala tamen poenæ non decernit, nisi pro hominum prævio demerito, Rom. 3. 9. Iudæi & Græci omnes sub peccato sunt. vers. 19. ut omne os obstruatur, & obnoxius fiat totus mundus Deo. Rom. 2. 9. Tribulatio & angustia in omnem animam hominis operantis malum.*

Porro,

Porro damnatio est actus justitiæ punitivæ. Culpam igitur præcedentem supponit.

Non-prædestinatus perit infidelitate voluntaria, non *Prosp. ad Gal. sent. 14.*
coacta.

Non casus ruentium, nec malignitatem iniquorum, Idem Resp. 10
neque cupiditates peccantium prædestinatio Dei aut exci-
tavit, aut suasit, aut impulsit, sed prædestinavit judicium
suum, quo unicuique retributurus est prout gessit.

THESES HETERODOXÆ.

THESIS I.

Decretum, quo Deus ab æterno, & irrevocabiliter statuit, ex lapso genere humano non nisi impænitentes & incredulos, in peccato & sub ira Dei relinquere, tanquam a Christo alienos, esse totum & integrum decretum Reprobationis.

Negatur, ob rationes allatas contra Thesin primam heterodoxam de Electione. Hoc etiam decreto non continetur specialis Dei voluntas non miserendi cujus vult, in qua decretum Reprobationis, quatenus opponitur electioni, formaliter continetur. Adde, quod stante hoc decreto, fieri possit, ut nemo præteratur, sed omnino omnes ad vitam æternam eligantur, & perducantur.

THESIS II.

Reprobationem à salute, non esse unicam, sed
aliam indefinitam, vel generalem; aliam,
D defini-

definitam, seu singularem. Esseque hanc vel incompletam, revocabilem, mutabilem, vel completam, irrevocabilem, immutabilem.

Reprobatio, quæ est electionis negatio, ponit immutabilem Dei voluntatem de non-miseratione talis personæ præteritæ, quoad ipsam donationem vitæ æternæ. Hæc autem Dei voluntas non admittit mutabilitatem ullam. *Isai. 46. 10. Consilium meum stabit. Malach. 3. 6. Ego Deus, non mutor.* Vide etiam quæ supra diximus ad Thesin. 4. orthodoxam & 4. heterodoxam de Electione.

Prosp. de vocat. gens. lib. 2. c. 33. Omnes adoptionis filii, priusquam mundus conderetur, electi fuerunt; in qua electione quicquid hominum in Christo præcognitum non est, nulla eidem ratione sociabitur.

THESIS III.

Neminem post lapsum mera Dei voluntate præteritum esse, sed reprobationem omnem singularem personarum factam esse secundum considerationem antecedentem infidelitatis, & in eadem perseverantiæ finalis.

Dum ab omni æternitate præscire præteritos, ut morituros in sua infidelitate, certum est. Sed hæc prævisam infidelitatem, esse causam non electionis falsum est: quia omnes ad unum homines prævidentur, ut perseveraturi in infidelitate, qui ad perseverantem fidem non eliguntur. Et nemo prævidetur in infidelitate certo moriturus, nisi quem Deus in destinatione efficacis

efficacis gratiæ, decreto antecedaneo præterivit. Iohā.
 10. 16. *Vos non creditis, quia non estis ex ovibus meis.* 1.
 Iohan. 2. 19. *Si fuissent ex nobis, permansissent utique
 nobiscum.* Apostolus præteritionem, seu non-electio-
 nem, arcessit à mera Dei voluntate. Vt constat ex locis
 citatis ad 1. Thesin Orthodoxam de Reprobatione, &
 ad Thesin 2. heterodoxam de Electione.

Denique si ponamus, neminem reprobari, nisi ob
 prævisam impenitentiam & incredulitatem finalem,
 nihil esset mysterii in decreto Reprobationis, nihil
ar. Epist. d. n. r. v. & impervestigabile. Contra illud Apostoli
 Rom. 11. 33. *O altitudo!* &c. Et illud Rom. 9. 20. *Quis
 es tu, o homo, qui ex adverso respondes Deo?*

*Scimus gratiam non omnibus hominibus dari, & qui- Aug. Epist. 107.
 bus datur, non solum secundum merita operum non dari,
 sed nec secundum merita voluntatis eorum quibus datur.*

*Multi non salvantur: Non quod ipsi nolint, sed quia Ilid. m.
 Deus non vult.* (Nempe per collationem gratiæ specia-
 lis, sive efficacis.)

THESIS IV.

Neminem, nisi in ipso mortis articulo, consi-
 derari a Deo, ut reprobatum, præteritum
 seu non-electum.

Manifestè falsa. Quia huius præteritionis conse-
 quentia ostenduntur erga præteritos etiā in hac
 vita. Qualia sunt, quæ in sacris literis occurrunt: Non
 vocari secundū propositum: permitti homines in suis
 viis ambulare; corda dura non emolliri. Quibuscum
 Deus hoc modo agit, illos considerat, ut prius præte-
 ritos, seu non-electos. Rom. 9. *Deus Esau odio habuit*

antequam quicquam boni vel mali fecisset. Quem vult, indurat. Matth. 13. Aliquibus non est datum nosse mysteria regni celorum.

EORVNDDEM SENTENTIA,

DE ARTICVLO SECVNDO.

PROPOSITIO I.



*X*speciali amore & intentione tum Dei Patris, tum Christi, mortuus est Christus pro electis, ut illis remissionem peccatorum & salutem aeternam reipsa obtineret, & infallibiliter conferret.

Prima Propositio asserit, electos infallibiliter habituros remissionem peccatorum & vitam aeternam ex morte Christi, idque ex speciali amore & intentione Patris & Christi. Probatur hoc ex ijs Scripturis, quæ virtutem Mortis Christi, quoad electos demonstrant. Iohan. 11. 51. *quod Iesus moriturus erat pro gente, & non tantum pro gente, sed ut Filios Dei, qui dispersi erant, congregaret in unum.* Ephes. 5. 25. *Christus dilexit Ecclesiam, & semetipsum tradidit pro ea, ut illam sanctificaret, &c.* quibus verbis intentio Christi sese offerentis exponitur, quoad infallibilem salutis collationem.

THESIS

THESIS.II.

EX hoc eodem amore, per & propter meritum & intercessionem Christi, dantur ysdem Electis fides & perseverantia, ceteraque omnia, per quæ conditio fœderis impletur, & beneficium promissum, id est, vita æterna, infallibiliter obtinetur.

Hæc propositio asserit, ex morte & intercessione Christi, manare ad electos ea gratiæ dona, per quæ efficaciter perducantur ad vitam æternam, Rom. 8.32.33.34. *Qui etiam proprio Filio non pepercit, quomodo non etiam cum illo omnia nobis donabit? &c.* Heb. 8.10. *Dabo leges meas in mentem eorum; & in corde eorum superscribam eas.* Nam gratia illa quæ datur electis propter mortem Christi, est gratia redemptionis efficaci: gratiam autem redemptionis intelligimus, non qua possunt homines redimi si velint, sed qua misericorditer revera redimuntur, quia Deus vult.

THESIS. III.

Deus lapsi generis humani miseratus, misit Filium suum, qui seipsum dedit pretium Redemptionis, pro peccatis totius mundi...

IN hac Christi oblatione duò consideramus, Modum vocandi homines ad actualem participationem...

nem huius hostiæ, & fructum ex eadem hostia ad homines diversimode redundantem.

Ad modum quod attinet, nemo mortalium est, qui non possit vere & serio per Ministros Evangelii vocari, ad participationem remissionis peccatorum, & vitæ æternæ per hanc mortem Christi, Actor. 13.38.39. *Notum sit vobis renuntiari remissionem peccatorum per Christum, &c. Ioh. 3.17. Qui non credit: condemnatus est, quia non credidit in Filium Dei.* Evangelio autem nihil falsum aut simulatum subest, sed quidquid in eo per Ministros offertur aut promittitur hominibus, id eodem modo ab autore Evangelii offertur & promittitur ipsidem.

Ad fructum quod attinet, ex Morte Christi, in qua continetur infinitus thesaurus meritorum & benedictionum spiritualium, fructus actualis ad homines redundat eo modo, & ea mensura, ipsque medijs, quibus visum est ipsi Deo. Visum autem est Deo, etiam post acceptatam hostiam, non aliter remissionem peccatorum & vitam æternam cuivis actu conferri, quam per fidem in eundem Redemptorem. Atque hic se aperit æternum illud & arcanum decretum Electionis, quando illud pretium quod solutum est pro omnibus, & quod omnibus credentibus certo proficiet ad vitam æternam, non proficit tamen omnibus, quia non omnibus datur, ut hanc gratuiti foederis conditionem impleant. Sic ergo Christus pro omnibus mortuus est, ut omnes & singuli, mediante fide, possint virtute *gratiae*, huius remissionem peccatorum & vitam æternam consequi. Sic pro electis mortuus est, ut ex merito mortis ejus secundum æternum Dei beneplacitum specialiter illis destinato, & fidem infallibiliter

liter obtineant, & vitam æternam.

THESIS IV.

IN hoc merito Mortis Christi fundatur vniuersale promissum Euangelicum, iuxta quod omnes in Christum credentes, remissionem peccatorum & vitam æternam reipsa consequantur.

Promissum hoc esse vniuersale & in Christi Morte fundatum, constat ex Actor. 10. 43. *Hinc omnes Prophetæ testimonium perhibent, remissionem peccatorum accipere per nomen eius, omnes qui credunt in eum. Et Rom. 3. 24. 45. Quem proposuit Deus propitiatorium per fidem in sanguine ipsius. Quamvis igitur hoc promissum non promulgetur omnibus quolibet loco & tempore, tamen ejusmodi est, ut possit omnibus & singulis vere annuntiari. Natura siquidem promissionis se extendit perpetuo ad humanum genus, quamvis promissionis notitia juxta Dei specialem providentiam, modo his, modo illis gentibus contingat. Marc. 16. 15. Abite in mundum uniuersum, & predicate Euangelium omni creatura. Qui crediderit, &c.*

THESIS V.

IN Ecclesia, ubi juxta promissum hoc Euangelij salus omnibus offertur, ea est administratio gratia, quæ sufficit ad convincendos omnes impenitentes & incredulos, quod sua culpa voluntaria, & vel neglectu, vel contemptu Evangelij perierint;

rierint, & oblatum beneficium amiserint.

Christus sua Morte non tantum Evangelicum fœdus fundavit, sed insuper impetravit a Patre, ut ubicunque annunciatum fuerit illud fœdus, una etiam ordinariæ ea mensura gratiæ supernaturalis administraretur, quæ sufficiat ad convincendos omnes impenitentes & incredulos contemptus, vel saltem neglectus, ob non impletam conditionem. Hic duo breviter expedienda:

- Quorum
1. Supponitur, aliquam mensuram gratiæ ordinariæ in Ministerio Evangelij administrari.
 2. Ponitur, illam gratiam sufficere ad convincendos omnes impenitentes & incredulos vel contemptus, vel saltem neglectus.

Primum patet ex Scripturis, Esai. 59. ult. *Hoc est fœdus meum cum vobis, dicit Dominus, Spiritus meus qui est in te, & verba mea, quæ posui in ore tuo, non recedent de corde tuo amodo & usque in sempiternum.* Hinc patet, verbum & Spiritum individuo nexu, ex promissione Dei, in ministerio Verbi coniungi. Hinc Ministri Novi Testamenti, dicuntur Ministri, non literæ, sed Spiritus, non literæ occidentis, sed Spiritus vivificantis, 2. Corinth. 3. 6. Et Ministerium Evangelii dicitur *ministerium spiritus*, ibid. vers. 8. Hinc Evangelium dicitur *gratia salutifera*, Tit. 2. 11. Et *sermo reconciliationis*, 2. Corinth. 5. 19. Luc. 10. 9. 11. Christus cum mitteret 70. Discipulos, ut Evangelium prædicarent, iussit illis, ut populis, quibus illud annuntiarent, dicerent, *Appropinquavit vobis regnum celo-*

rum;

rum; utique quod gratia aliqua supernaturalis illis administrata esset, quibus Evangelium annuntiaturum est.

Non omnes vocari ad gratiam, quibus omnibus Evangelium predicatur, non rectè dicitur, etiamsi sint, qui Evangelio non obaudiant. Alterum probatur ex Ioh. 15. 4.

Prosp. ad Cap.

Gal.

Resp. ad obiect.

22. *Si non venissem, & loquutus essem vobis, peccatum non haberent, nunc autem non habent, quod prætexant peccato suo.* Ex hoc loco constat, Christum, proponendo Evangelium, etiam illam gratiam internam administrasse, quæ hæcenus sufficiebat, ut ex eo quod non acceptarent vel reijcerent Evangelium, iustè coargui possint infidelitatis positivæ. Ioh. 3. 19. *Hoc est iudicium: quia lux venit in mundum, & dilexerunt homines magis tenebras quàm lucem.* Iustè damnantur homines ob lucem Evangelij repudiatam.

Hebr. 2. 3. *Quomodo nos effugiemus, si tantam negleximus salutem?* Ob neglectam salutem in Evangelio oblatam, iustè pœnæ obnoxij reddimur. Ergo salus in Evangelio offertur.

Hebr. 4. 12. *Vivus est sermo Dei, & efficax, & penetrantior quorvis gladio ancipiti, & pertingit usque ad divisionem animæ simul ac Spiritus, compagumque, & medullarum, & dijudicat cogitationes, & conceptus cordis.* Hinc manifestum evadit, talem esse vim & efficaciam verbi, ut in ima usque animi penetralia sese insinuet, ut, quemadmodum vere credentes plane vivificet, ita conrumacibus lethale vulnus certo infligat.

Denique Scriptura acerbissimas poenas interminatur, non recipientibus, negligentibus, spernentibus præconium Evangelij, Matth. 10. 15. *Quicumque non audierit sermones vestros tolerabilius eris terræ Sodomorum.* Heb. 6. 4. *Impossibile est eos, qui semel fuerant illuminati, gustaveruntque bonum Dei Verbum, &c.* Terra

E

enim

enim bibens imbrem, proferens autem spinas, maledictioni proxima est.

THESIS VI.

NOn obstante hoc pacto universali de salvandis credentibus, Deus nullo pacto aut promisso tenetur, Evangelium aut gratiam salutiferam omnibus & singulis communicare. Cur autem hisce conferat, præteritis alijs, pendet ex misericordia & libertate divina.

CHristus non alia ratione firmavit hoc pactum, quàm ut hujus pacti communicatio in libera & plenaria Patris potestate maneret. Deus autem dando unum beneficium, non astringitur ad novi beneficii donationem. Matth. 20. 15. *An non licet mihi, quod volo, de meo facere?*

Tale pactum, aut promissum non occurrit in Scripturis. Promisit Deus in V. T. ut præconium Evangelij gentibus communicaretur. In N. Test. sublata est inaceries, & Apostolis mandatum est. Marc. 16. 15. *Euntes in mundum universum, predicate Evangelium omni creature.* Sed nusquam promissum, ut universali-ter in mundo, uno eodemque tempore aliquando prædicetur. Quia, ut recte Prosper, *eo ipso tempore, quo ad omnes gentes predicatio Evangelij mittebatur, quedam loca Apostolus adire prohibebatur ab eo, qui vult omnes homines salvos fieri, & ad agnitionem veritatis venire. Multis utique in illa retardatis atque averfis, Evangelii mira, sine agnitione veritatis & sine regenerationis consecratione morituris.* Dicat Scriptura quod *gestum*

*Epist. ad Russ.
de vocat. Gent.
lib. 2. cap. 3.*

Act. 16. 67.

1113

E

gestum est; *Transseuntes autem (inquit) Phrygiam, & Galatia regionem, vetiti sunt à Spiritu Sancto loqui verbum in Asia. Cum venissent autem in Mysiam, tentabant ire in Bithyniam, & non permisit illis Spiritus. Hac Prosper.*

Porro aperte constat, non obstante hoc pacto universali, quod in V. etiam Test. obtinuit, Deum huius notitiam Gentibus non revelasse. Psal. 147. 8. *Verbum suum denunciat Iacobo: Non fecit taliter omni nationi; ideoque iura ista non noverunt.* Act. 14. 16. *Deus prateritis atatibus fuit omnes gentes ambulare in vijs suis.* Quid quod nostris temporibus, vix sexta pars orbis habitabilis Christo nomen dederit? Quod si de facto Deus Evangelii præconium omnibus & singulis annuaciare nunquam dignatus sit, utique nec ad hoc tenetur. Facit enim quicquid tenetur facere. Idem sane pronunciandum est de gratia salutifera. Nullibi in S. Literis mentio occurrit promissionis, qua Deus sese obstrinxit, ad gratiam illam omnibus & singulis communicandam. Imo Scriptura meminit Dei in miserando libertatis. Rom. 9. 15. *Cujus vult, miseretur;* non obstante hoc pacto in sanguine Christi fundato. Ac quanquam Deus multis externis beneficiis afficiat omnes homines, etiam ingratisimos, qui extra pomeria Ecclesiæ degunt; & beneficijs salutaribus egeant omnes, utpote peccatores; nemini tamen ad illa, vel ista danda obligatur.

Denique, ex Sacris Literis evincitur, nonnullos judicari & damnari ob peccata contra solam legem Naturæ commissa, Rom. 2. 14, 15. ut qui excusantur ob non impletam legem fidei ignorantia plane invincibili, quæ excusatio locum habere nequit, ubi Deus promulgat legem, & homines obedire tenentur.

THESES HETERODOXÆ,

QVAS REHICIMVS.

Prima: Posita Christi Morte, non esse aliam Dei intentionem de ullis particularibus personis salvandis, nisi conditionatam, & ex contingenti fidei humanæ actu suspensam.

1. **T**heses illæ, rationesque de primo Articulo præmissæ, in quibus certarum personarum electio stabilitur, ac incompleta electio perficitur; item, ubi salutis media certa ex electionis decreto manantia statuuntur, denique in hoc secundo Articulo Theses prima, & secunda: in quibus probatur, Christum ea intentione mortuum, ut electis beneficia specialia conferret, huic Antithesi refutandæ firmamenta subministrant.

2. Rationes omnes Theologicae, ex Scripturis, Fideique analogia petita; quibus Christi incarnatio, humiliatio, vel exaltatio probatur vel confirmatur, eo spectant, ut demonstretur divina expressa intentio de fructuoso hujus tanti mysterii effectu, non conditionaliter producendo (nempe si homines, cū æque nolle possint, velint, ut hic fructus inde enascatur) sed infrustrabiliter efficiendo, potentia divina id operante.

Præterea, domus Dei ex hominibus construenda non sat habet firmitatis, si ab hominibus construat. Ipsa Dei manuerigenda est hæc fabrica, Matth. 16. 18 *Super hanc Petram edificabo Ecclesiam meam.* 1. Cor. 3.

9. *Dei agricultura estis, Dei edificatio estis,* Ephes. 2. 20.

Superstructi

Superstructi super fundamentum Apostolorum, & Prophetarum, Christo existente summo angulari lapide: in quo omnis edificatio constructa crescit; in quo & vos coedificamini, &c. Ephes. 4. 16. *ex quo totum corpus compactū & connexum per omnem iuncturam subministrationis secundum operationem, &c.* Ergo sibi ædificans Ecclesiam Deus, sua manu lapides parat, dedolat, coagmen-
tat; non autem expectat, ut ipsi se contingenter aptent, ac fundamento applicent.

3. Eadem specialis decreti certitudine præstatur à Deo salus Ecclesiæ per Christum efficaciter consumanda, qua Christus ipse mittitur. Eadem Dei vox, quæ Christum exhibendum primo promiserat, simul eiusdem effectum inconditionatum promisso absoluto obsignat, Gen. 3. 15. *semen mulieris conteret caput serpentis.* At Serpens non conteritur nisi per aliquorum certissimam liberationem ex captivitate Satanae, & translationem in Regnum Filii Dei, Esai. 53. 10. *Si posuerit pro peccato animam suam, videbit semen longævum.* Heb. 2. 13. *Ecce ego, & Filij, quos mihi dedit Deus.* Ergo decretum Dei, de longævo semine in Christi familiam adoptando, inseparabiliter annectitur Decreto de anima Christi pro peccatis ponenda. Et, Christo sese in victimam offerenti, dantur Filij, non a seipsis, sed à Deo, qui nempe ipsis dedit Christum.

4. Si fructus Christi Passionis sit tantum conditionatus, tum non certius est beneficium ex secundo Adamo, quam fuisset ex primo. Hinc enim proposita salus sub conditione (*hoc fac, & vires*) quam conditionem ut posset præstare si vellet, auxilium est ei à Deo præstitum, non autem ut actu ipso infallibiliter præstaret. In Novo autem Foedere, gratia Christi morte impetrata, non modo nobis salus oblata sub conditione

(*crede,*

(crede, & saluus eris) sed, ut actu ipso credamus, Dens efficit per Spiritum suum. Hebr. 8. 6. *Melioris Testamenti mediator est, quod in melioribus repromissionibus sancitum est. Quænam autem sit illa promissio, constat vers. 10. Dabo leges meas in mentem eorum, & in corde eorum superscribam eas.*

THESIS II. HETERO DOXA.

Proprium & integrum finem Mortis Christi fuisse, ut Deo Patri acquireret jus & potestatem servandi homines, quibus vellet conditionibus.

1. **S**I nil aliud nobis acquisitum ex Morte Christi, quam ut aditus pateat ad novum quodlibet fœdus cum genere humano percutiendum, tum non sumus liberari à iugo legis; quia adhuc liberum erit Deo Patri, etiam post persolutam acceptatamque hanc victimam, legis præstandæ conditionem denuo nobis imponere. At Christus ad tollendam legis maledictionem pro nobis, hoc est, nostra vice, semel factus est *ἀντάνα*. Gal. 3. 13. Nos itaq; non possumus ratione legis non præstitæ fieri denuo legis rei, & *ἀντάνα*.

2. Christus morte sua nobis promeritus est ipsam personarum nostrarum reconciliationem cum Deo, gratiamque nobis reipsa communicandam. Ioh. 1. 16. *De plenitudine ejus omnes accepimus.* Alioqui secundus Adam, Dominus de cœlo, minus profuisset suis, quam suis obfuit primus Adam, de terra terrestris; Et quoad imputationem, Si Christus pro nobis poenas non subierit; Et quoad transfusionem, Si a Christo ca
pit

pite nulla tradux gratia in membra derivetur.

THESIS III. HETERODOXA.

Christi mortem impetrasse omnibus hominibus restitutionem in statum gratiæ & salutis.

Ratio 1. Salus est res promissa in Novo Foedere, nec promittitur nisi sub conditione Fidei (quicumque credit, salvabitur) cum itaque non omnes homines fidem habent in Christo, sub cujus sola conditione salus promittitur, certum est, Mortem Christi, non omnibus, sed solis fidelibus impetrasse restitutionem in statum gratiæ, & salutis : quod abunde probat illud Apostoli, Rom. 5. 1. *Iustificati igitur pacem habemus cum Deo.* Per (pacem) illic intelligimus, nostri, qui prius Deo inimici eramus, cum Deo reconciliationem, & restitutionem in sinum gratiæ : Idemque, apertè evincunt omnia illa loca, quæ probant, Nos solâ fide in Christum justificari, seu haberi pro justis à Deo. Rom. 3, 4. Gal. 2, 16.

Ratio 2, Extra fidem in Christum, manet homo in condemnatione. Ioh. 3. 18. *Non videbit vitam, sed ira Dei manet super illum.* Ioh. 3, 36. Qui autem restituti sunt in sinum gratiæ, ij singuli remissionem peccatorum habent, quæ homines beatos facit, Psal. 32. Nec manent in condemnatione, neque super ipsis manet ira Dei. Qui igitur fide carent, ij per mortem Christi, in statum gratiæ & salutis non restituuntur; cum per nomen Christi nemo remissionem peccatorum consequatur, nisi qui in ipsum credat. Actor. 10. 43.

Ratio


Ratio 3. Si omnibus Christi mors impetravit restitutionem, tum restituti sunt, vel cum ab æterno destinatus esset in mortem, quod est falsum; sic enim nemo nasceretur Filius iræ, nec peccatum originis quicquam hominibus obesset, quod ex hac sententia fuit illis ab æterno remissum: nec opus esset infantibus, aut aliis, lavacro regenerationis, quod est contra assertionem Christi, Ioh. 3. 5. *Nisi quis renatus fuerit ex aqua & Spiritu, non potest introire in regnum Dei*: vel restituti sunt in primorum parentum persona, cum promulgaretur promissio de semine mulieris, quod est falsum: ipsi enim protoplastæ non sunt restituti in statu gratiæ, nisi per fidem in Christum; ac proinde nec eorum posterii. Non omnes ergo, sive fideles, sive infideles: vel cum Christus ipse in cruce mortem oppeteret: quod est falsum. Sic enim nemo ante illud momentum esset restitutus, quod nemo concedit; neq; omnes ab illo tempore sunt restituti, quia procul dubio adversus quosdam Christi accusatores, condemnatores, crucifixores, derisores ira Dei isthoc eodem momento, & postea flagraverit.

BORVN.

EORVNDem SENTENTIA,
DE III. & IV. ARTICVLIS.

Primo de viribus arbitrij in homine lapsō.

THESIS NOSTRA I.

oluntas hominis lapsi nudata est donis
supernaturalibus, & salutaribus; qui-
bus in innocentiae statu dotata fuit: ac
proinde ad actus spirituales nihil jam
valet absque viribus gratiae.

FVisse donis eximiis dotatam, inde constat, quia ho-
mo factus est ad imaginem Dei. Imago autem Dei
in principe animi facultate procul dubio principem
locum obtinuit. Qualia vero haec dona fuerint, qui-
bus in creatione ornata est voluntas humana, patet
ex ijs, quae in hujus imaginis redintegratione restitu-
untur, Ephes. 4. 24. *Induite novum hominem, qui secun-
dum Deum creatus est in iustitia, & sanctitate veritatis.*
Hanc in super iustitiam, sanctimoniam & rectitudinem
voluntatis per lapsum esse amissam clarum est ex se-
cunda hac ejusdem per Dei gratiam in Christo recupe-
ratae acceptione. Induendum, scilicet, nobis de novo,
quod in Adamo denudato exuimus.

Hujusmodi autem voluntatem nostram nihil valere
ad actus supernaturales tota Scriptura clamat. Ioh. 15.
15. *Sine me nihil potestis facere.* Rom. 5. 6. *Cum adhuc
nullis essemus viribus.* 2. Cor. 3. 5. *Nam sumus idonei*

ex nobis ipsis ad cogitandum quicquam, &c.
Enchirid. c. 30. Hinc illud Augustini, Quid boni operari potest perditus,
nisi in quantum à perditione liberatus? Et illud, Volun-
tas in tantum libera, in quantum liberata.

THESIS II.

Lapsa voluntati inest non tantum peccandi
 possibilitas, sed etiam praeceptum ad peccan-
 dum inclinatio.

Isthaec possibilitas voluntati etiam integræ infuit,
 prout nimis constat ex eventu. Post lapsum autem,
 ac ex ipso lapsu, superaddita peccandi sitis avida. Iob
 15. 16. *Bibit, quasi aquam, iniquitatem*; complacen-
 tia, & gaudium in peccatis, Proverb. 2. 14. *Letantur*
faciendo malum, exultant in pessimis peruersitatibus;
 studium peccati, Gen. 6. 5. *Cuncta cogitatio cordis in-*
tenta ad malum omni tempore: Mancipatio sub pecca-
 to, Rom. 6. 17. *Fuistis servi peccati*. Denique mors
 in peccato, Ephes. 2. 2. *Vos cum essetis mortui in de-*
lictis & peccatis.

Nec aliter se potest res habere in homine corrupto,
 nondum per divinam gratiam restaurato: cum ea sit
 natura voluntatis, ut nuda manere nequeat, sed ab uno,
 cui adhaeserat, objecto excidens, aliud quærat, quod
 cupide amplectatur. ideo per Spontaneam defectio-
 nem habitualiteraversa à Deo Creatore, in creaturam
 effreni impetu fertur, ac cum ea libidinosè ac turpiter
 fornicatur, semper avida fruendi utendis, ac verita-
 moliendi, & parandi. Quid mirum ergo si talis vo-
 luntas sit Diaboli mancipium? Luc. 11. 21. *Cum for-*
tis

sis armatus custodit atrium suum, in pace sunt ea, quae possidet.

Voluntas sine charitate est tota vitiosa cupiditas.

*Aug. Retract. 1.
15.*

De antecedaneis ad conversionem.

THESIS I.

Sunt quaedam opera externa, ab hominibus ordinarie requisita, priusquam ad statum regenerationis, aut conversionis perducantur, quae ab iisdem quandoque liberè fieri, quandoq; liberè omitti solent; ut adire Ecclesiam, audire verbi præconium, & id genus alia.

Requiri talia manifestum est, Rom. 10. 14. *Quomodo credent ei, quem non audierunt?* Esse autem in nostra potestate & ratio dicat; cum penes unumquemque sit regere suam loco-motivam; & experientia probat, cum videamus in externis homines pro arbitrio hoc, vel illud agere, vel utrumque omittere; possunt itaque domi sedere, cum Ecclesia adeunda est, possunt aures obturare, voce Evangelici præconis sonante. Marc. 6. 20. *Herodes Ioannem audiebat libenter.* Actor. 13. 46. *Iudei recusant audire Evangelium,* Psal. 58. 5. *Impis obturant aures suas, ut surde aspides.*

II.

Sunt quaedam effecta interna ad conversionem sive regenerationem prævia, quae virtute verbi, Spiritusque in nondum justificatorum cordibus

dibus excitantur ; qualia sunt notitia voluntatis divinae, sensus peccati, timor poenae, cogitatio de liberatione, spes aliqua veniae.

AD statum justificationis, in quo pacem habemus apud Deum per D. N. Iesum Christum, non solet gratia divina homines perducere per subitum enthusiasmum, sed multis praevis actionibus ministerio Verbi subactos, & praeptos. Hoc videre licet in illis, qui, audita Petri concione, peccati onus sentiunt, timent, dolent, liberationem desiderant, spem aliquam veniae concipiunt : quae omnia ex illis verbis colligi possunt, Act. 2. 37. *Quum haec audiissent, compuncti sunt corde suo, & dixerunt ad Petrum, & reliquos Apostolos, Viri, fratres, quid faciemus?* Hoc ipsa rei natura requirit. Nam sicuti in generatione hominis naturali multae sunt praeviae dispositiones, quae formae inductionem praecedunt, ita & in spiritali per multas antecedaneas gratiae actiones ad spiritualem nativitatem pervenitur.

Hoc denique apparet ex instrumentis, quibus utitur Deus ad homines regenerandos : utitur enim ministerio hominum, & instrumento verbi, 1. Cor. 4. 15. *Per Evangelium ego vos genui.* Quod si Deus immediate vellet hominem impium regenerare, & iustificare, nulla cognitione, nullo dolore, nullo desiderio, nulla veniae spe praeptatum, nec hominum ministerio, nec verbo praedicato hanc ad rem opus esset. Nec Ministris verbum Dei recte secantibus cura incumberet, apte prudenterque auditorum conscientias primo legis terroribus sauciandi, deinde Evangelicis promissis erigendi, ac eosdem hortandi ad poenitentiam fidemq; à Deo

à Deo per preces & lachrymas petendam.

III.

QUos Deus, mediante Verbo, per Spiritum suum hunc in modum afficit, eos ad fidem, conversionemque vere, & serio vocat, & invitat.

EX natura beneficij oblatis, & verbo Dei apertissimo judicandum est de illis gratiæ auxiliis, quæ hominibus suppeditantur, non autem ex abusu, aut eventu. Cum igitur Evangelium ex sua natura vocet homines ad poenitentiam & salutem, cum gratiæ divinæ excitatione eodem tendant, nihil hic simulate à Deo agi putandum est. Hoc probant seriæ illæ, patheticæque rogationes. 2. Cor. 5. 20. *Obsecramus Christi nomine, reconciliemini Deo.* Hortationes, 2. Cor. 6. 1. *Hortamur, ne frustra gratiam Dei recipiatis.* Expostulationes, Gal. 1. 6. *Miror, quod sic tam cito transferimini ab eo, qui vocavit vos in gratiam Christi.* Promissiones, Apoc. 3. 20. *Ecce sto ad ostium, & pulso: si quis audierit vocem meam, & aperuerit ostium, ingrediar ad eum, &c.* Quod si non omnes, quos hoc verbi Spiritusque sui dono dignatur Deus, ad conversionem seriam serio invitaret, certè & Deus nonnullos, quos ipse Filius sui nomine vocat, falleret; & promissionum Evangelicarum nuntij à vocatis falso perhibiti testimonij accusari possent; & qui ad conversionem vocati parere negligunt, redderentur excusabiliores. Neque enim ea fingi potest homines reddere inexcusabiles per Verbum & Spiritum vocatio, quæ eo tantum sine exhibetur, ut reddat inexcusabiles.

IV.

QUos ita affecit, Deus non deserit, nec defistit in vera ad conversionem *via* promovere, priusquam ab illis, per neglectiōem voluntariam, aut huius gratiæ initialis repulsam, deferatur.

Talentū gratiæ à Deo semel concessum nemini eripitur, nisi qui prius suo vitio illud sepelivit, Matth. 25. 28. Hinc est, quod nos in Scripturis passim mone-mur, ne Spiritui resistamus, ne Spiritum extinguamus, ne gratiā Dei frustra recipiamus, ne deficiamus à Deo. Hebr. 3. 7. Imo divini derelictionis ea apertissimè designatur ratio, quod Deus ab hominibus prius defe-ratur. Proverb. 1. 24. *Quia vocavi & renuistis; ego quoq; in interitu vestro ridebo.* 2. Chron. 24. 20. *Dereliquistis Iehovam, ut relinqueret vos.* At nusquam in Scripturis vel levissime innuitur, Deum solere, aut velle unquam absque prævia hominis culpa eripere cuiquam gratiæ excitantis auxilium, aut ullum sub-sidium, quod semel contulit, ad conversionem hominis ordinatum.

Sic docuere Patres Orthodoxi, quibus cum Pelagi-anis negotium fuit.

Augustin. vel Prosper, ad Artic. fals. ad 7. *Dei est voluntas, ut in bona voluntate maneat; qui & priusquam deferatur, neminem deserit, & multos desertores saepe convertit.*

V.

HI precedanei effectus, virtute Verbi, Spiritusque in hominum mentibus producti, rebellis voluntatis vitio, suffocari, ac penitus extinguere possunt, & in multis solent; adeo ut nonnulli, in quorum mentibus, virtute Verbi Spiritusque impressa fuit aliqualis notitia veritatis divinæ, aliqualis dolor de peccatis suis, aliquod desiderium, & aliqua cura liberationis, mutantur planè in contrarium, veritatem rejiciant & odio habeant, concupiscentijs suis se tradant, in peccatis occalleant, & absque desiderio vel cura liberationis in iisdem computrescant.

Matth. 13. 19. Venit malus, & rapit, quod seminatum est in corde ejus. 2. Pet. 2. 21. Melius erat non cognoscere viam justitiæ, quàm post agnitionem retrorsum converti. Canis reversus ad vomitum. Heb. 6. 4. Qui semel illuminati, gustaverunt donum cælestis, participes facti Spiritus Sancti, gustaverunt bonum Dei verbum, virtutesque sæculi venturi, & prolapsi sunt, eos rursus revocari impossibile, &c.

Prosper. Multi cito intellectus lumen accipiunt, ipsa De vocat. lib. 2. cap. 2. autem intelligentia non in omnibus eundem habet vigorem, aut similem facultatem; & plerimi cum & fide & intellectu videantur ornati, laborant tamen indigentia charitatis, & hi, quæ fide & intellectu vident, nequeunt inherere, quoniam perseverari in eo non potest, quod non toto corde diligitur.

VI.

VI.

NE electi quidem ipsi in hisce precedaneis ad regenerationem actibus ita se gerant unquam, quin propter negligentiam & resistantiam suam possint justè à Deo deseri & derelinqui: sed ea est erga eos specialis Dei misericordia, ut, quamvis hanc gratiam excitantem & illuminantem aut repellant aliquamdiu, aut suffocent, eos tamen iterum, iterumque urgeat Deus, nec desistat promovere, donec eosdem gratia sua prorsus subjugaverit, ac in statu filiorum regeneratorum collocaverit.

Ioh. 6. 37. Quicquid dat mihi Pater, veniet ad me, & cum, qui ad me venit, non ejectioni foras. Hierem. 14. 7. Quandoquidem iniquitates nostra levantur contra nos, Domine fac propter nomen tuum, quoniam multe sunt versiones nostra. & 32. 39. Dabo eis cor unum, & viam unam, ut timeant me universis diebus. Phil. 1. 6. Qui capit in vobis opus bonum, perficiet usque in diem Christi Jesu. Quod si ita non pergeret Deus etiam reclinantes & refugientes prosequi, nulla vocatio redderetur efficax, nulla emergeret filialis adoptio, ipsaque in Dei beneplacito fundata electio frustraretur.

Aug. de persev.

Post casum hominis non nisi ad gratiam suam Deus voluit pertinere, ut homo accedat ad eum, neque nisi ad gratiam suam voluit pertinere, ut homo non recedat ab eo.

VII.

VII.

Non-electos in hisce precedaneis ad regenerationem actibus, divino Spiritui, gratiaeq; resistentes, ejusdem initialia effecta in se-ipsis liberi sui arbitrij vitio extinguentes, Deus, quandocunq; ipsi visum fuerit, justè derelinquit: quos sua culpa derelictos, eodem demerito manere induratos, & inconversos vere pronunciamus.

Pvtamus extra omnem dubitationis aleam positum esse, neminem mortalium ita se gerere erga Deum, quin mereatur gratiæ collatæ subductionem, vel omit-tendo aliquid, quod facere debuit, vel faciendo, quod non debuit, quo posito, clarum est, Deum sine ulla in-justitia, aut crudelitate posse talibus hominibus gratiã oblatam subtrahere, eosque sui cordis duritiæ relin-quere, Rom. 9. 18. *Cujus vult miseretur, & quem vult indurat.*

Deus etiam hoc nemini debet, ut illum gratiæ suæ illuminanti, & excitanti resistentem, proprijsque cupiditatibus inservientem emolliat per illam specialem gratiam, cui nullum cor durum resistit. Rom. 11. 35. *Quis prior dedit illi, & retribuetur ei?* Porro, qui hunc in modum derelinquitur, sua culpa, inconver-sus perit. Ioan. 5. 34. 40. *Dico vobis ut servemini, & non vultis venire ad me, ut vitam habeatis.* Act. 28. 27. *Incrassatum est cor populi hujus, &c. ne conver-tantur, & sanentur eos.*

De Conversione, qua denonat immediatum opus Dei hominem regenerantis.

I.

D*Eus animos electorum suorum prædictis gratiæ suæ actibus excitatos, & præparatos intima quadam, & mirabili operatione regenerat, & quasi de novo creat, infundendo Spiritum vivificantem, & omnes animæ facultates novis qualitatibus imbuendo.*

P*er regenerationem hic intelligimus, non quemvis actum Spiritus Sancti ad regenerationem prævium, vel tendentem, sed illum actum, quo posito, statim rectè affirmetur, Hic homo jam natus est ex Deo.*

Hæc spiritualis nativitas præsupponit animum excitatum per Spiritum, organo verbi divini utentem. Vnde & renati dicimur ex incorrupto semine verbi, 1. Pet. 1. 23. Quod observandum est, ne quis Enthusiasticam regenerationem desidiosus expectet, absque ulla aut Dei, aut verbi, aut sui actione prævia.

*Porro statuimus, Spiritum regenerantem in intima animæ penetralia illabi, & refingere ipsum animum, ejusdem vitiosas inclinationes sanando, ac indendo illi vires, & principium formale ad actus spirituales & salutiferos eliciendos. Ephes. 2. 10. *Ipsius summus polius, creati in Christo Iesu ad opera bona.* Ezech. 36. 26. *Auferam cor lapideum, & dabo vobis cor carneum.* Ab hoc Dei opere promanant vires ad actus spirituales & salutiferos exercendos.*

Ad opus credendi, 1. Ioh. 5. 1. *Quisquis credit, ex Deo natus est.* Ad opus diligendi, 1. Ioh. 4. 7. *Quisquis diligit, ex Deo natus est.* Ad omnia denique pietatis opera, Ioh. 15. *Sine me nihil potestis facere.*

Prosper dicit, *gratiam ipsam esse bonorum in nobis* De liber. arbit.
creatrix. Scholæ Doctores hanc tam claram veritatem non diffitentur.

Thom. Aquin. hanc gratiam, de qua loquimur, asserit, *dare quoddam esse spirituale ipsi animæ, esse quandam supernaturalem participationem divine naturæ, habere se ad animum, sicut sanitatem ad corpus.* Quæst. disp. de vii. Artic. 20.

II.

AD hoc ipsum opus regenerationis habet se homo passivè: neq; est in voluntate potestatis humanæ impedire Deum sic immediatè regenerantem.

Ioh. 1. 13. *Non ex sanguine, neque ex voluntate carnis, neque ex voluntate viri, sed ex Deo geniti sunt.* Nam si in creatione naturali verum sit, Deus fecit nos, & non ipsi nos, in recreatione etiam spiritali idem valebit multo magis, Ierem. 13. 23. *Si mutare non potest Aethiops pellem suam,* tum nec homo peccato maculatus corrigere innatam naturæ suæ vitiositatem. In voluntate scil. lapsa est potentia passiva adesse hoc supernaturale extrinsecus adveniens recipiendum, non autem activa ad item vel per se, vel cum alio producendum. Ierem. 17. 14. *Sana me Domine, & sanabor, &c.* Epist. Syno. B. 2

In vivificandis hominibus Deus nullum initium humanæ voluntatis expectat, sed ipsam voluntatem bonam faciendo vivificat. piscoporu Assr

Quid agit liberum arbitrium? Breviter respondeo. Bernard de libe. arbit. & grat. Salvatur. Opus hoc sine duobus effici non potest, uno, à quo fit, altero, in quo fit. Deus auctor est salutis, liberum arbitrium tantum capax.

Bernard ibid. Creatio in Christo in libertatem voluntatis facta est, & sine nobis, si in libertatem, tum non ex libertate. Si sine nobis, tum penes nos non est hoc Dei opus impedire.

Aug de corrept. & grat. cap. 14. Deo volenti saluum facere, nullum hominis resistit arbitrium.

De Conversione qua denotat actionem hominis
per fidem & pœnitentiam salutiferam se
ad Deum convertentis.

THESIS. I.

PRædictam conversionem sequitur hæc nostra conversio actualis, Deo proliciente ipsum actum credendi & convertendi, ex mutata voluntate, quæ acta à Deo, agit & ipsa, convertendo se ad Deum, & credendo, hoc est actum suum vitalem simul eliciendo.

ORdine temporis vix distingui possunt opus Dei convertentis hominem, & actio hominis se convertentis ad Deum: ordine tamen causalitatis, divinum opus præcedat, nostra operatio sequatur, est necesse. Mala arbor fructus malos sua natura proferens, prius in bonam ipsa mutetur opus habet, quàm fructum ullum bonum proferat. Hominis autem nondum regniti voluntas non modo mala est arbor, sed & mortua. Fructum ergo bonum si proferat, non id facit, ut corrigatur.

corrigitur, aut sua cooperatione vivificetur, sed quia mutata & vivificata est.

Scite Auguft. *Non ideo bene currit rota, ut rotunda fit, sed quia rotunda est. Sic & nos dicimus, non ideo bene currit voluntas ut regenerata fit, sed quia jam regenerata est.* *Ad Simplic. li. 1. quæst. 2*

In eandem sententiam Hugo de S^{to}. Victore. *Gratia reparatrix bonam voluntatem aspirat, ut sit; deinde bona voluntati inspirat, ut moveatur: primum operatur eam, deinde per eam.* *De fac. Fidei.*

Secundo dicimus, Deum non modo efficere habitualement illam mutationem, qua homo novas spirituales vires acquirit ad credendum & convertendum, sed etiam mira quadam arcanæ operationis efficacia prolificare ex sanata voluntate ipsum actum credendi, & convertendi, Sic passim loquitur Scriptura. Ioan. 6. 66. *Pater dat venire ad filium, id est, credere.* Phil. 1. 29. *Vobis donatum est credere (ipsum τὸ πιστεῖν)* 2. Tim. 2. 26. *Deus dat penitentiam.* Quod si, vires quasdam infundendo, daret Deus tantum posse credere, posse convertere, ac ipsum interim actum committeret libero hominum arbitrio, certè, quod primus parens fecit, faceremus omnes; libero arbitrio à Deo deficeremus, nec possibilitatem hanc in actum perduceremus. Hæc itaque eximia est illa specialis gratia, electis in Christo concessa, qua non modo possunt credere, si velint, sed & volunt cum possint. Phil. 2. 13. *Dat Deus nobis & velle, & perficere.*

Hanc contra Pelagianos gratiam operativam asseruerunt Catholici.

Iubet Deus homini, ut velit: sed Dominus in homine operatur & velle; iubet ut faciat, sed operatur & facere. *In Epist. Synod. Afr. Episcop.*

Omnis, qui didicit à Patre, non solum potest venire, sed *Aug. de grat. Epist. c. 14*

sed venit; ubi jam & possibilitas profectus, & voluntatis affectus, & actionis effectus est.

Operatur Deus fidem nostram, miro modo agens in cordibus nostris, ut credamus.

Tandem & illud adjicimus, hanc Dei actionem in prolicienda fide non impedire, imo facere, ut ipsa voluntas simul agat, & actum suum eliceat. Ideoque actus credendi, utcunque à Deo immittatur, tamen, quia ab homine exercetur, ipsi homini tribuitur, Rom. 10, 10. *Corde creditur ad justitiam: & 2. Cor. 4, 13. Credidi, propter quod locutus sum. Deus est* (inquit August.) *non qui credit omnia in omnibus, sed qui operatur omnia in omnibus. Certum est nos credere, cum credimus, sed Deus facit ut credamus. Nos operamur, sed Deus operatur in nobis operari.*

II.

DIvina hac actio non lædit voluntatis libertatem, sed roborat: neque tamen extirpat radicis vitiosam resistendi possibilitatem; sed efficaciter & suaviter dat homini firmam obediendi voluntatem.

DUo hic negamus, primum voluntatis hac in parte læsionem. Nempe sic Deus agit in natura, etiam ubi evehit, ac supra sphaeram suam attollit eam, ut non evertat singularem rerum naturam, sed relinquat unicuique proprium modum motumque in actione producenda. Cum igitur per Spiritum gratiæ agit in voluntatibus humanis, facit eas suo nativo modo operari, id est, liberè, & eo liberius, quo moventur à Spiritu

tu efficacius. Ioan. 8, 36. *Si Filius vos liberaverit, verè liberieritis.* 2. Cor. 3, 17. *Vbi Spiritus Domini, illic libertas.* Incredibile certe nobis videtur, Deum, qui nostras fecit voluntates, easque libertate donavit non posse in eas, vel in eis tali modo operari, ut quamlibet bonam actionem per easdem, illæsa earum natura, hoc est liberè, eliciat.

De ipsis hominum voluntatibus facit, quod vult, & quando vult, habens humanorum cordium, quo voluerit, inclinandorum omnipotentissimam potestatem. *Aug de corrupt & grat. cap. 14*

Hanc abundantiorē gratiam ita credimus potentem, ut negemus violentam. *Prosp. de vocat gent. lib. 2. c. 26*

Alterum, quod hic diffitemur, est eradicatio perverſitatis. Quamvis enim Deus in ipſo regenerationis opere adeo potenter in voluntatem agat, ut actualiter reſiſtendi potentia proxima pro illo tempore ſuſpendatur, remotam tamen, & (ut loquuntur) *in actu primo* poſitam reſiſtendi potentiam ne tum quidem funditus extirpat, ſed in ſua amara radice deliteſcere permittit. Quamdiu ſcilicet animo humano ineſt radix illa corruptæ corruptentiſque concupiſcentiæ, certum eſt, una ineſſe non modo poſſibilitatem, ſed & pronitatem ad reſiſtendum motibus Spiritus ſancti: Gal. 5, 17. *Care concupiſcit adverſus Spiritum.* Sed hæc reſiſtibilitas, propter efficaciffimam & ſuaviſſimam motionem gratiæ, nequit *in actum ſecundum* hic, & nunc erumpere, Proverb. 21, 1. *Cor Regis* (quanto magis hominum minus liberorum?) *in manu Domini quocunq; voluerit, inclinabit illud.* Huic gratiæ reſiſti nequit; quia primum operatur velle, id eſt, non reſiſtere; neq; enim reſiſtere ultra poteſt, cui velle reſiſtere ſublaturum eſt, ut præclarè Reverendus Sarisburienſis.

*Robert. Saris.
de veritate gra-
tie pag. 20.*

THESIS III.

DEus hominem conversum, & fidelem non ita semper movet ad bonos actus subsequentes, ut tollat ipsam voluntatem resistendi, sed quandoque permittit illum vitio suo deficere à ductu gratiæ, & in particularibus multis actibus concupiscentiæ suæ parere.

Oportet semper discrimen statuere inter illos actus principales, sine quibus salus electorum non constat (quales sunt, convertere se ad Deū, credere, perseverare) & particulares subsequentes actus, qui, specialiter considerati, non sunt ad salutem absolute necessarij, ut hoc, aut illud peccatum vitare; tale, aut tale bonum opus non omittere: Ad illos enim eliciendos sic operatur gratia, ut det electis suo tempore & posse, & velle, & perficere: ad posteriores non deest quidem nobis per totum vitæ nostræ cursum motus & ductus Spiritus divini, ita tamen, ut gratiæ deesse possimus, imo ut nimis sæpe defimus, ac subinde concupiscentiis nostris liberè turpiterque pareamus. Hinc illa Galat 5. 17. *Spiritu ambulate, & desideria carnis non perficietis.* Ephes. 4, 30. *Nolite contristare Spiritum sanctum Dei, in quo obsecrati estis in diem redemptionis.* Spiritum enim contristare dicuntur, qui ejus ductui resistunt, & servili quadam libertate concupiscentijs suis, contra gratiæ motum & conscientiæ dictamen, indulgent.

THESES HETEROXÆ,

QVAS REVICIMVS.

THESIS I.

Voluntatem non esse capacem donorum spiritualium, adeoque nunquam fuisse dona spiritualia in hominis integri voluntate: nunquam a voluntate lapsi hominis fuisse separata: nunquam in regeneratione humanis voluntatibus talia dona infundi.

Sacra Scriptura, dum in corde ponit dona Dei spiritualia, eadem agnoscit in voluntate Rectitudinem. Psal. 32. 11. *Gloriamini omnes recti corde*: Munditiam Matth. 5. 8. *Beati mundi corde*: Bonitatem Luc. 8. 15. *Hi sunt, qui in corde bono & honesto verbum retinent*. Quod si quis hæc ad effectus retulerit, eosque extra voluntatem collocaverit, ille (quod nefas est) præclarissima gratiæ divinæ dona in irrationali animæ parte collocabit.

Quin etiam ipsa habitualis conversio voluntatis ad Deum Creatorem, & aversio ab inordinata libidine fornicandi cum creatura, procul dubio maximum erat donum. Hujus autem doni capacem fuisse voluntatem inde liquido constat, quod cum tali rectitudine creata fuit. Nempe Deus ab initio hominem fecit rectum. Hanc esse amissam ex effectis nimium patet; cum jam ipsa hominis carnalis voluntas non possit non frui videntis, & uti fruendis: utpote in quam irruerit, & irrupit turba vitiosarum dispositionum. Porro cum

voluntas hominis animalis mala dicatur ab innata quadam, & inherente malitia, quæ in improbo, etiam nihil agente, habitualis est, vicissim agnoscenda est in voluntate renatorum donata quædam & infusa bonitas, quæ pijs illorum actionibus præsupponitur. Hanc habituales bonitatem passim celebrat Augustinus. *Precedit bona voluntas hominis multa dona Dei, sed non omnia, quæ autem non precedit ipsa, in eis est & ipsa.* Ne quis autem somniet, hanc voluntatis bonitatem non esse donum internum, facultati infusum, sed meram denominationem ab actu voluntatis ipsius petitam, vocat illam Prosper *primam supremi agricola plantationem.* Plantatio autem designat quiddam animæ infusum, non actum. ex ea dimanantem.

Enchirid. c. 32.

De vocat. l. 1. c. 6.

THESIS II.

Gratiam, qua convertimur, esse lenem tantum, & moralem suasionem.

Non inficiamur in opere conversionis vel futuræ præparando, vel præteritæ confirmando, Deum adhibere comminationum, promissionum, aliarumque hortationum vim suaviorum, quæ animos hominum subigat, alliciat, commoveatque: verum ad ipsam huiusce negotii catastrophem infallibiliter producendam potentius semper ac insuperabilis operatur, præmaginitudine potentis, præefficitate rehoris potentis sue, Ephes. 1. 18. Nec sufficit suasio contingenter tantum efficiens, & irritans. Nam

1. Suasio moralis movet tantum objective, & in virtute finis. Rostæ autem fruunt Philosophi, Qualis unusquisque est, talem ei finem videri. Dum itaque homo

homo carnalis est, & nondum regeneritus, bona supernaturalia ei repræsentata, non possunt ita afficere voluntatem, ut illorum desiderio prorsus incendatur ad credendum & convertendum: sed potenti operatione, omnem suasionem excellentem, superanda, ac immutanda est voluntas, ut bonum oblatum efficaciter amplectatur.

2. Si morali tantum suasionem homines ad Deum converterentur, tum hæc quæstio, Cur, oblata æquali gratiâ, hic credat, ille non credat, per liberi arbitrii velle & nolle solveretur; nec ulla restaret hac in parte impervestigabilis sapientiæ, ac iudicii Dei nostra admiratio. Atque contra Pelagianos orthodoxa hæc sententia semper defensa est, *Conversionem & fidem ex operibus Dei gratia esse, qua datur alijs secundum misericordiam, alijs non datur secundum iustitiam.* Augst. de pecc. lib. 1. cap. 7.

3. Si merâ morali suasionem homines converterentur, qui hanc suadentem gratiam admiserit, posset verè dicere: Ego me discevi: accepi enim gratiam lenem & suavioram, quæ ad fidem & conversionem me quidem sollicitavit, sed æquè etiam alios: illi, pro sua libertate, moralem hanc suasionem repulerunt, ideoque manent inconversi: Contra ego, pro mea libertate, eandem suasionem sum amplexus; ac ideo sum conversus. Vbi interim illud Pauli, *Quis se discernit? Quid habes quod non accepisti?*

Fides & inchoata & perfecta donum Dei est: Et hoc donum quibusdam dari, quibusdam non dari manifestum est: biser, qui non vult manifestis Sacris Liberis repugnare. Aug. de pred. sancti. cap. 9.

THESIS III.

Positis omnibus gratiæ operationibus, quibus Deus ad efficiendam hanc conversionem utitur, voluntatem hominis relinqui in æquilibrio, velitne credere, vel non credere, convertere se ad Deum, vel non convertere.

CONTRA.

1. **S**i post omnes divinæ gratiæ operationes hominis voluntas in æquilibrio relinquatur, necessario sequetur, non Deum per gratiam, sed hominem per liberum arbitrium esse principalem causam, autoremque ipsius creditionis, ac conversionis. Qui enim, omnibus gratiæ suæ viribus exertis, nil aliud valuit, quam voluntatem ad medium quendam æquilibrij statum attollere, is ad novam ab æquilibrio mutationem, hoc est, ad actum credendi concurrat, non principaliter, aut prædominanter, sed solummodo concomitanter, & contingenter, nempe, sub hac conditione, si voluntas ex æquilibrio se prius sua vi naturali dimoverit. Quod ergo minus est, voluntas accepit à Deo; nimirum, ut poneretur in indifferenti quadam medietate, ut crederet, vel non crederet; quod autem majus est, ipsumque eventum specificat, sibi ex se præstitit voluntas ipsa, nempe, ut actu crederet.

2. Item sequetur, non majorem à Deo gratiam exhibitam electis, quam non electis, nec illos, quam hos, Deo majori gratitudinis debito obstringi; quandoquidem in utrisque divinæ manus nil aliud operata sit, quam voluntatis æquilibrio, quod in puncto consistit, nec latitudinis est capax.

3. Gratia convertens ea intentione datur, ut sit efficax,

cax, hominemque permoveat, imo perducatur ad ipsum
fidei actum infruſtrabiliter eliciendum: quo etſi ali-
quando forte perringeret ex voluntatis in æquilibrio
poſitæ libera propenſione ad amplexandum & obſe-
quendum gratiæ, tamen haud minus ſæpe fruſtrabitur,
ex voluntatis in eodem æquilibrio poſitæ libera ſui de-
terminatione ad repudiandum gratiam, eique reſiſten-
dum: nempe, cum in æquilibrio ſemper ſupponatur
contingentia prorsus æqualis ad utrumque.

Hæc gratia à nullo duro corde reſpuitur: ideo quippe
tribuitur, ut cordis duritia primitus auferatur,

*Aug. de Pre-
deſtin. Sancti.
cap. 8.*

THESIS IV.

Hominem non poſſe plus boni facere, quàm
facit, nec plus mali omittere, quàm o-
mittit.

Falſa ſunt hæc & abſona, ſiue de homine irrogenito
& animali intelligantur, ſiue etiam de renato &
gratia ſanctificante ſuſſulto. Primum, quod ad homi-
nis naturalis ſtatum attinet, quamvis non poſſit in ſitam
ſuam pravitatem exuere, aut peccati generaliter ſump-
ti dominium excutere, poteſt tamen multos actus ex-
ternos cohibere, in quibus frena laxat concupiſcentiis
ſuis. Virioſa concupiſcentia inclinatur hominem impi-
um ad omne malum, non tamen determinat, aut cogit
illum ad hoc, vel illud malum, hic, & nunc, neceſſario
patrandum; ut hanc eadem, hanc rapinam, hoc adul-
terium. Hoc etiam inde conſtat, quod homines im-
brobiſſimi ſua ſcelera aggradiuntur non ſine prævia
deliberatione, liberrimæque mediocum diſpoſitione;
quodque, ad ipſum facinus jam accincti temporare ſibi

possunt, ex alterius reverentia, aut præsentaneo periculi metu. Denique frustra ex legibus humanis poenæ sceleratis intentantur, si nemo ea, quæ admittit flagitia, omittere potuerat.

Quod autem ad actus suo genere bonos attinet, certum est, ipsos irrogenitos omittere sæpissimè multas actiones morales externas, quas secundum operis substantiam potuerant præstare, ac ob voluntariam talium operum omissionem iustissimè condemnari, Matth. 23. 43. *Esuriivi, & non dedistis mihi ad comedendum: Sitivi, & non dedistis potum, &c.*

Deinde etiam de renatis, ac vere sanctificatis idem est asserendum; nempe quamvis sint à peccati dominio liberati, Rom. 6. 14. & 18. *Servi facti iustitiæ*; Rom. 8. 1. & *non secundum carnem ambulanti, sed secundum Spiritum*; possunt tamen adq; liberè, extra rectum iustitiæ tramitem gressus dimovere, etiam tunc cum non transgrediuntur: itidemque cum labuntur, potuerant gratiæ vi ac subsidio, per voluntatem liberam, hoc est liberatam, concupiscentiis suis restitisse, vitasse illa carnis opera manifesta, quæ Gal. 5. 19. recensentur *fornicationem, immunditatem, iras, rixas, &c.* Quis sanas dixerit Davidem non potuisse non perpetrare adulterium? & hoc patrato, non potuisse illi, cui summam injuriam intulerat, non etiam pessima & deliberata machinatione ipsam vitam eripere? Verum, ne longe exempla perantur, singulorum piorum conscientias appellamus. Quis non quotidie Deum orans, *Dimittite nobis debita*, simul agnoscit, sibi per Dei gratiam in promptu fuisse bona præstare officia, quæ tamen omisit, & ita vitæ agnoscit, quibus tamen cessavit? Cor. 13. 1. *Fidelis Domest, qui non patitur nos censuri super illud quod potestis, sed facies etiam*

etiam cum tentatione exitum, ut possis sustinere.

EORVNDEN DE QVINTO ARTICVLO SENTENTIA.

Quæ est

De Perseverantia Sanctorum.

IN hoc Articulo, quando de Sanctorum perseverantia quaritur, manifestum est, de illis tantum Sanctis agi, qui rationis usupollent, actuque fidei ex Evangelio prædicato conceptæ justificantur, quique in eadem fide propriæ voluntatis actu aut perseverare, aut à perseverantia deficere ponuntur. Nam primo patet ex ipso Quinto Remonstrantium Articulo, agi ^{Col.} de ijs qui Christo vera actuali fide insiti sunt. Soli au- ^{Hag.} tem adulti per veram fidem insiti sunt. Secundo, idem ^{Hert.} patet ex Articulorum connexionione. Nam in IV. Arti- ^{parte.} culo Remonstrantes contendunt, Deum operari fidem in hominibus per vim & gratiam resistibilem : & pro- ^{2. pag. 10.} inde Deum eandem fidem jam in cordibus fidelium in- generatam, per vim resistibilem conservare & custo- dire. Ideoque eum, qui semel fidem adeptus est, posse eandem amittere. Ut patet in statu hujus controver- siæ à Remonstrantibus formato. At Deus operatur & conservat fidem resistibiliter in solis adultis : in qui- bus libere possunt gratiæ resistere. Ergo. Tercio Re- monstrantes asserunt Perseverantiam, de qua hic agi- tur, esse beneficium omnibus fidelibus sub hac condi- tione ex aquo oblatum, si gratiæ sufficienti non des- fuerint. Quæ assertio plane supponit, Articulum in- telligi

Col. ib. page 150

telligi debere de Perseverantia adultorum, qui soli liberè deesse possunt gratiæ sufficienti, utpote penes quos solos est libertatis usus. Hæc si diligentius perpendissent Remonstrantes, abstinuisse poterant ab argumento sumpto à parvulis baptizatis, ad asserendam justificatorum defectionem: præsertim ij, qui negant in Baptismo parvulorum ullam esse realis gratiæ collationem.

Quia in hoc Articulo duo sunt, quæ ventilari solent, Primum, an non-electi ad statum sanctificationis & justificationis, ex quo in vere Sanctorum numero censeantur, unquam pertingant; secundum, an Electi justificari & sanctificati unquam ab hoc statu penitus deficiant: Ideo primo in loco Theses ponimus eas, quibus ostenditur, quousque non-electi in via ad justificationem progredi possint.

Quoad non-electos, T H E S I S. I.

QUibusdam non-electis conceditur quedam illuminatio supernaturalis, cujus virtute intelligunt ea, quæ in verbo Dei annunciantur, esse vera, ipsæque assensum præbent minime simulatum.

HUjus Thesicos veritas quoad priorem partem, illuminationem scilicet mentis, aperte ex Scripturis colligitur. Heb. 6. 4. ubi Apostolus meminit eorum, qui in Spiritum S. peccaverunt, asserens eos fuisse *quædam* & cap. 10. 16. innuit, eosdem post acceptam veritatis cognitionem ulterius peccare posse. Item, Apostolus Petrus, 1. Pet. 2. 1. mentionem facit quæ-

rundam, qui cum cognovissent viam iustitiæ, tamen regressi sunt à sancta doctrina ijs tradita. Iudas erat *filius perditionis*. Ioh. 17. 12. idem tamen cognitione Evangelii instructus est. Unde & missus à Christo una cum reliquis Discipulis ad prædicandum Evangelium Israeli, Matth. 10. 7. Eisdemque poenas interminatur Christus Iudæ præconium aspernantibus, ac aliorum, vers. 9. Hi omnes illuminati sunt cognitione supernaturali veritatis Evangelii: quæ illuminatio à Spiritu S. profecta, veram notitiam in horum mentibus genuit; ex qua actus eliciebant, quoties opus erat, eidem conformes. Imo fieri potest, ut Philosophus Ethicus distinctius & accuratius apprehenderet mysterium incarnationis Christi & subtilius intelligendo, discernat unitatem personæ, & naturarum distinctiones, quam rudis Christianus.

De assensu minime simulato, qui Evangelio præberi & potest & solet ab hominibus non electis, æque liquet. Luc. 8. 13. Semen, quod cecidit super petrosam, eos denotat auditores, qui ad tempus credunt, id est, qui divinitus revelatis assentiuntur, & in primis pacto Evangelico: Assensum autem hunc minime simulatum fuisse inde constat, quod sermonem cum gaudio exciperent. Act. 8. 12. Ipse Simôn Magus Philippo Evangelizanti, quæ ad regnum Dei pertinent, credidit, & in testimonium fidei baptizatus est. Hymeneus, & Alexander naufragium fecerant fidei, non quidem fidei, aut simulate, sed veræ. Neque enim cuiquam vitio vertendum, quod à fide hypocrítica deficiat: nec fidei simulate naufragium sit, sed detectio, & manifestatio: nec naufragus esse poterit, nisi qui vere in navî fuit. 2. Pet. 2. 10. Nonnulli dicuntur effugisse inquinamenta mundi

tima conditio deterior facta est priori : hæc autem in *in ysaie*, non nudam cognitionem, sed & assensum cognitionis datum denotat, ex quo nata illa fuga inquinamentorum mundi. *Ioh. 12. 42. Ex principibus multi crediderunt in illum: sed propter phariseos non confitebantur, ut e Synagoga non eijcerentur.* Diluxerunt enim gloriam hominum, magis quam gloriam Dei. Credebant scilicet fide dogmatica minime simulata, in cordibus quidamquæ latente, sed in exteriori professione non erumpente, propter periculi metum. Qui, ut inquit *Augustinus* in hoc ingressu fidei si proficerent, amorem quoque humane glorie proficiendo superarent.

Tract. 53. in Iob

Omnes huiusmodi desertores iuste coarguuntur, ac puniuntur, non quod fidem eam, quam nunquam habuerint, simularint, sed quod eam, quam habuere, dereliquerint : ac multo gravius peccant à fidei gratia collata recedentes, quam illi, quibus Evangelii præconium nunquam innotuit, ut docet saluator. *Ioh. 15. 22.*

IN ipsa ex hac cognitione et fide oritur affectuum quedam mutatio, & non in aliquo emendatio.

EX illuminatione, & fidei assensu prædictis nascitur quedam in non selectis, cum mutatio affectuum, tum vitæ emendatio : de priore constat ex *Matth. 13. 20. audiunt verbum, & cum gaudia accipiunt.* Item *1. Reg. 21. 27. Cum audisset Achis sermones istos, scidit vestimenta sua, & operuit cilicio carnem suam, ieiunavitque, & dormivit in sacco, & ambulavit dimisso capite.* Hosce gestus fuisse indices veri doloris, ex Prophetæ verbis concepti, inde constat, quod Deus hanc humiliationem.

liationem supplicii temporalis amotione remuneratus sit, vers. 29. *quia humiliatus est mei causa, non inducam malum in diebus eius.* Heb. 6. 4. Quia ibidem describuntur apostatae, non tantum illuminati sunt, sed gustarunt donum caeleste, bonum Dei verbum & virtutes futuri seculi, Et vers. 6. innuitur eosdem aliquo modo fuisse renovatos. Et cap. 10. 26. *idem, qui acceperant cognitionem veritatis,* vers. 29. dicuntur conculcare sanguinem fœderis, quâ sanctificantur. *Marth. 6. 16. Herodes libenter audiebat Iohannem Baptistam.*

De aliquali morum emendatione idem Herodes exemplo esse potest, qui Iohannem Baptistam observabat, eoque auditu, multa faciebat. 2. Pet. 1. 20. *Inquinamenta mundi effugerant per agnitionem Domini & servatoris Iesu Christi.* Hi ex huius cognitionis & fidei operatione averfati sunt hæc mundi inquinamenta. Item cap. 1. 9. *Quidam obliviscuntur sese a veteribus peccatis purgat os fuisse.* Et Matthi. 12. 43. *Ex talibus Spiritus immundus exisse dicitur.* In hisce ut illuminatio & assensus divinitus revelatis præstitus minime simulatus erat, sed suo gradu & ordine verus, ita affectus quoque & morum immutatio. Hæc scilicet initialia non erant ficta, vel fucata, sed ex vi dispositionum ad gratiam & afflatu Spiritus Sancti, quem in sese pro tempore senserunt. Quod patet ex affectibus, gaudio, dolore, zelo, quos non tam præ se ferunt, & simulant, quam in se vere experiuntur.

De talibus pronunciat Augustinus, *Non erant Fidei, etiam quando erant in professione & nomine filiorum, non quia iustitiam simulaverunt, sed quia in ea non permanserunt.*

De corrept. & grat. cap. 9.

III.

EX his initialibus, etiam per externa obedientia opera testatis, sumuntur, & ex charitatis iudicio sumi debent, pro credentibus, justificatis & sanctificatis.

Qui istiusmodi Spiritus Sancti donis internis cum vitæ emendationem, tum fidei Christianæ externam professionem adjunxerint, merito à nobis (quibus intima cordium penetralia incomperta sunt, & inscrutabilia) fidelium, justificatorum, & sanctificatorum censu sunt habendi, id quod satis luculenter ex Apostolo Paulo evincitur: qui in epistolis, quas ad Ecclesias dedit particulares Romæ, Corinthi, Ephesi, &c. omnes promiscuè compellat, ut *dilectos Dei, sanctos, sanctificatos*. Rom. i. 7. I. Cor. i. 2. Ephes. i. 1. Phi. i. 1. Similiter Apostolus Petrus in fronte primæ Epistolæ advenas dispersos hac formula affatur, *dilectis ex prænotione Dei Patris ad sanctificationem Spiritus*, Augustini calculus accedat de non-electis sic loquentis. *Illi, cum pie vivunt, dicuntur Filij Dei; sed quamvis victuri sunt impie, & in eadem impietate morituri, non eos dicit filios Dei præscientia Dei*. Et post. *Sunt rursus quidam, qui filii Dei propter susceptam temporalem gratiam dicuntur à nobis, nec sunt tamen Deo*.

De corrupt. &
grat. cap. 9.

THESIS IV.

Non-electi huc usque progressi, ad statum tamen adoptionis & justificationis nunquam perveniunt: ac proinde ex horum apostasia

apostasia perperam deducitur Sanctorum apostasia.

Lecti non electi in Ecclesiæ gremio enutriti dictis initialibus in mente, voluntate, & affectibus ad iustificationem aliquo modo tendentibus disponantur, non tamen inde in statu iustificationis vel adoptionis positi sunt. Adhuc enim vitiofarum, quibus indulgent, cupiditatum fibras radicesque funditus defixas retinent, amore terrenorum penitius afficiuntur, & durities in imis cordium recessibus latens non aufertur: hinc, urgente persecutione, aut tentatione, à gratia recedunt, & aut amore voluptatum carnisque illecebris inescati, aut aliquo alio vitioso affectu abrepti produnt tandem se *salvatos*, ac potius *salvandos*, quam *salvos*; nihilque minus quam *Deo frui*, quicquid sibi falso persuadeant, sed revera *uti voluisse Deo, ut fruatur mundo*, ut alicubi Augustinus: unde constat, eos nunquam *De Ch. Dei l.* reipsa pertingere ad illam mentis & affectuum mutationem & renovationem, quæ cum iustificatione conjuncta est, imo nec ad illam, quæ proxime præparat ac disponit ad iustificationem. Nunquam enim seriam *2. Cor. 7. 17.* poenitentiam agunt; nunquam serio dolore afficiuntur, hoc ipso, quod peccando Deum offenderint; humilem cordis contritionem non attungunt, nec sincerum propositum de non peccando imposterum concipiunt; ijs non datur resipiscentia ad vitam, cuius mentio *Act. 11. 18.* non dolor ille secundum Deum, qui resipiscentiam efficit ad salutem, cuius nunquam poeniteat; Non sunt pauperes Spiritu; quoniam talium est regnum cœlorum.

Huc facit illud August. qui de reprobis agens, *istorum* *Contra Iulianum lib. 5. c. 3.* (inquit) *neminem adducit Deus ad poenitentiam salubrem, Matth. 8. 6.* & spiritualem, qua homo in Christo reconciliatur Deo.

Adde, quod nunquam serium in se sentiunt desiderium reconciliationis; non esuriunt nec sitiunt iustitiam: tales enim saturabuntur, iisque dabitur e fonte aquæ vivæ, qui fons erit aquæ salientis ad vitam æternam. Porro seiplos non abnegant; nec suis cupiditatibus penitus abrenunciant, neque unquam rerum omnium præ Christo vilipendentiam, quam habuit Apostolus, in sordibus suis persensiscunt. Denique fidem illam vivam, & *ἀντιπροσώπων*, quæ peccatorem justificat, & per dilectionem operatur, nunquam adipiscuntur. Est enim hæc fides peculium Electorum; & negatur non-electis.

Præterea solos electos iustificari constat ex auræ illa Apostoli catena, *Quos prædestinavit, hos vocavit, quos vocavit, justificavit*: hos nempe, & non alios; ut ex Aug. ostendimus ad Articulum I.

Idem Aug. *Non omnium Deus, sed eorum, quos præscivit & prædestinavit, delicta dimittit.*

Eosdem non-electos nunquam ad statum adoptionis pervenire ex Scripturis etiam satis liquido constat. Nam primo gratia adoptionis fundatur in prædestinatione: *Qui prædestinavit nos, quos adoptaret in filios per Iesum Christum.* Secundo, status adoptionis, ut & jus ac privilegium filiorum, non nisi fide viva acquiruntur. *Quotquot cum receperunt, ijs deditur, hoc est, jus & privilegium, ut essent filii Dei: nempe, qui credunt in nomine ejus.* Item, *Omnes estis filii Dei per fidem in Christo Iesu.* Est autem hæc fides propria Electorum, ut supra dictum est. Tertio, omnes, qui in filios adoptantur, regenerantur, & quidem ex semine incorruptibili, per sermonem Dei vivi. *Quisquis natus est ex Deo, peccatum non committit, quoniam semen ejus in illo manet.*

Quarto,

Quarto, Idem filii adoptivi sunt etiam hæredes : hæredes quidem Dei, cohæredes autem Christi : & hæreditatis arrhabonem accipiunt. At non-electi nunquam ex semine incorruptibili regenerantur, nec in se manens Dei semen habent, nec in eandem cum Christo hæreditatem conscribuntur.

Hinc August, *Non erant in numero filiorum, etiam quando erant in fide filiorum.* Rursus : *Sicut non vere discipuli Christi, ita nec vere filii Dei fuerunt, etiam quando esse videbantur, & ita vocabantur.* *De corrept. & grat. cap. 9.*

Ambrosius, *Num Deus Pater ipse, qui contulit, potest sua dona rescindere ? & quos adoptione suscepit, eos à patris affectus gratia relegare ?* *Lib. 1. de Iacob & vit. loc. c. 6.*

Gabriel Biel, *Præsciti non sunt filii adoptivi, patet, quia non sunt per voluntatem Dei ad hæreditatem præordinati.* *3. diff. 10. q. 1. art. 1.*

Horum tantum, qui ad veram iustificationis metam & adoptionis statum nunquam perveniunt, veri nominis apostasia datur.

Eorum vero, qui in filios Dei cooptati, veraq; sanctitate imbuti sunt, certa ac indubitata est perseverantia, ut post demonstrabimus.

Aur ergo horum filiorum Apostasia disertis Scripturarum testimoniis erat probanda, aut infanti nominis ominisq; titulo de apostasia Sanctorum, abstinendum.

DE PERSEVERANTIA

Quoad ipsos electos, ipsiusq; certitudinem, quoad rem.

THESSIS I.

Praten fidem illam dogmaticam, affectuum morumque aliqualem emendationem, datur

suo

suo tempore electis omnibus ipsa fides justificans, & gratia regenerans, eaque omnia, per quæ ex statu iræ in adoptionis ac salutis statum transferuntur.

Quando Deus cum electis agit, non subsistit in præparatorijs, aut initialibus quibusdam operibus, sed opus suum semper absolvit, eosdem veteri fide donando, justificando, adoptando; & ex statu mortis in vitæ statum transferendo. Hoc ostendit Apost. Rom. 8. 30. *Quos prædestinavit, eos etiam vocavit, & quos vocavit, eos etiam justificavit, quos autem justificavit, eos etiam glorificavit.* Et Col. 1. 12. *Gratias ago Patri, qui idoneos nos fecit ad portionem hereditatis sanctorum in lumine, & redemit nos de potestate tenebrarum, & transtulit in regnum filij dilecti sui.* Ex quibus locis constat, dari electis omnibus perpetuam quandam beneficiorum spiritualium seriem, quæ illos nunquam derelinquit, sed usque ad statum gloriæ prosequitur.

II.

Quamvis electi in hoc statu constituti, ratione reliquiarum concupiscentiæ, in omni opere bono aliquid omittant, & leviora peccata subreptionis, negligentia & inadvertentia quotidie committant, inde tamen nec iustificationis status concutitur, nec iuris ad regnum cælestæ hereditarii usus intercipitur.

Ex legis quidem rigore quodvis, vel levissimum peccatum est mortiferum, & excludit peccatorem; à favore

à favore Dei & regno coelorum. Sed cum filiis in Christo jam adopratis & iustificatis, Deus nunquam agit stricto iure. Sunt quidem peccata aliqua, ob quæ Deus hisce filiis suis iram atq; indignationem denunciat, imo è coelis exclusionem, mortemque æternam interminatur. Qualia ea sunt, videre licet. 1. Cor. 6. 10. Galat. 5. 25. Coloss. 3. 6. de quibus in Thesibus sequentibus dicitur. Sunt autem & alia quædam peccata, ob quæ Deus misericors non solet filios suos vel ad tempus lumine vultus sui privare, non metum condemnationis aut mortis illis incutere. Huiusmodi sunt rebelles concupiscentiæ motus, de quibus conqueritur Apostolus Rom. 7. Item, defectus & nævi, qui etiam optimis reñatorum operibus adhærescunt. Deniq; ea quotidiana humanæ infirmitatis delicta, quæ committuntur absque certo aliquo proposito committendi, & quotidiana remissionis postulatione dimittuntur. De hisce Iacob, 3. 2, *In multis offendimus omnes.* Et 1. Ioh. 1. 8. *Si dixerimus, quoniam peccatum non habemus, ipsi nos seducimus.* Hisce peccatis non obstantibus, rectè dixerit quisvis fidelium: *nihil condemnationis est* Rom. 8. 1. *ijs, qui sunt in Christo Iesu.* Imo in medio harum infirmitatum, cuiusvis iustificato Deus dicit, quod Apostolo dixit, *Sufficit tibi gratia mea: Nam virtus mea in infirmitate perficitur.* 1. Cor. 12. 9. Non excidunt autem à statu iustificationis suis infirmitatibus, quorum infirmitate virtus Dei perficitur, quique interim gloriari possunt virtutem Christi in se inhabitare, ut eodem loco habetur.

III.

Idem reñiti ac iustificati quandoque suo vitio
Incidunt in atrociora peccata, atque hisce indig-

K

nationem

nationem Dei paternam incurrunt, reatum damnabilem contrahunt, presentem ad regnum celorum ingrediendum aptitudinem amittunt.

EXemplis Davidis, ac Petri constat posse renatos in gravissima peccata seipsoſ præcipitare, Deo id quandoq; permittente, ut discant cum humilitate agnoscere, non suis viribus aut meritis, sed solius Dei misericordia se fuisse à morte æterna servatos, & vita æterna donatos. Dum huiusmodi peccatis inhærent, ijsque securè acquiescunt, indignatio Dei paterna contra eos suboritur. *Si iustitias meas præphaverint, & mandata mea non custodierint, visitabo in virga iniquitates eorum, & in verberibus peccata eorum. Tribulatio & angustia in omnem animam hominis operantis malum.* Quinetiam reatum damnabilem contrahunt, ita ut dum in eo statu impenitentes persistunt, nec debeant nec possint aliter sibi persuadere, quam se esse morti obnoxios. *Si secundum carnem vixeritis, moriemini.* Sunt enim capituli crimine constricti, cujus merito secundum divinam ordinationem morti subjacent, quamvis nondum morti traditi sint, neque, si paternum Dei amorem spectemus, tradendi; sed ab hoc peccato prius eripendi, ut sic ex mortis reatu eripiantur.

Denique, pro præſenti conditione amittunt aptitudinem ad ingrediendum regnum celorum, quia *in illud regnum non intrabit aliquis inquinatum aut abominationem faciens.* Cælestis enim corona non imponitur, nisi iis, qui bonum certamen certarunt, & cursum suum in fide & sanctitate consummarunt. Ineptus ergo ad hanc coronam adeundam, quisquis impietatis operibus adhuc inhærescit.

Psal. 89. 31.

Rom. 2. 9.

Rom. 8. 13.

Apoc. 21. 27.

1. Tim. 4. 8.

IV.

DEi immota ordinario postulat, ut fidelis sic exorbitans, per renovatum fidei & pœnitentiae actum prius redeat in viam, quam ad viæ metam, hoc est, regnum cœleste, perducipossit.

EX electionis decreto ita ad finem prædestinantur fideles, ut non aliter quàm per media à Deo instituta, quasi per viam quandam regiam ad eundem finem perducantur. Nec minus rata & certa sunt hæc Dei decreta de mediis, de modo, ac ordine eventorum, quam de fine, ac ipsis eventis. Si quis igitur insistat viam divinæ ordinationi contrariam, puta latam illam viam immunditiæ & impœnitentiæ, quæ recta ducit ad gehennam, nunquam poterit in cœlum isto pacto pervenire. Imo si mors illum oppresserit in hoc devio errantem, non poterit non in mortem incidere sempiternam. Hæc est perpetua & clara vox Scripturarum. *Nisi pœnitentiam egeritis, vos similiter peribitis. Ne errate: neque idololatra, &c. regni Dei hereditatem possidebunt.* Luc. 13. 3. 1. Cor. 6. 9. Frustra ergo sunt, qui opinantur electum in talibus flagitiis voluntatem, & ita morientem, vi electionis nihilominus necessario salvandum fore. Nam Deo quidem decertente certa est & firma salus Electorum: at eodem Deo decernente non nisi per viam fidei, pœnitentiæ, ac sanctitatis est certa. *Absq; sanctitate nemo videbit Deum. Solidum fundamentum Dei stat, & discedat ab injustitia omnis qui nominat Iesum Christum.* Heb. 12. 14. 1. Tim. 2. 19. Sicuri ergo certum fuit ex Dei decreto & promisso illos omnes, qui in eadem cum Paulo navi

Act. 37. 31.

navigabant, incolumes è naufragio emerſuros; & tamen illud Pauli dictum ſimul certum fuit, *Niſi hi manſerint in navi, ſalvi eſſe non poteſtis*; ita certum fuit, electos Dei ſervos, Davidem & Petrum ad regnum coelorum perventuros; & tamen non minus certum, ſi ille in adulterio & homicidio, hic in Chriſti abnegatione & perjurio impoenitentes permanniſſent, neutrum eorum ſalvum eſſe potuiſſe. Verum enim eſt illud Theologicum pronunciatum, *Malum oritur ex quovis defectu, bonum non niſi ex cauſis integris*. Ingens igitur illud bonum vitæ æternæ non poteſt nobis competere ex eo ſolo quòd ſumus electi, niſi concurrant & reliqua, quæ ad exequendam electionem ex neceſſaria Dei ordinatione requiruntur. Si quid horum deſit, & contrarium inſit homini electo, videtur ex utraque parte ſtare quædam impoſſibilitas. Exempli gratia, impoſſibile eſt ut Paulus electus pereat; impoſſibile eſt etiam ut Paulus blaſphemus in Chriſtū, & incredulus, ſi hoc in ſtatu moriatur, non pereat: vel, impoſſibile eſt ut David electus pereat: impoſſibile ſimul, ut David adulter & homicida, ſi mors illum oppreſſerit impoenitentem, non pereat. Sed hunc nodum divina providentia & miſericordia facile ſolvit: curando ut nemo electorum in eo ſtatu moriatur, in quo à vita æterna juxta aliquam divinæ voluntatis ordinationem excluderetur.

V.

IN illo interſtitio, quod eſt inter contractum ex gravi peccato reatum, & fidei ac pœnitentie actum renovatum, ſtat talis peccator, ſuo merito damnandus, Chriſti merito & firmo Dei propoſito.

proposito absolvendus : non prius autem , quam per excitatam fidem ac pœnitentiam veniam intraverit , actu absolutus.

DE damnationis merito ob tale peccatum, nulla potest esse quæstio. *Qui talia agunt, regnum Dei non possidebunt.* Nihilominus sub tali reatu non est eadem conditio fidelium, & improborum. Fidelibus Christi sanguis est instar antidoti parati, & in proximo positi, quo, simulac fides eorum evigilaverit, uti possunt ad hoc lethale venenum superandum. At infidelibus deest internum hoc principium, nempe fides, absque qua ipsum remedium est quasi è longinquo possum, nec potest illis fieri proprium, acutq; applicari. Huc accedit specialis Dei amor, qui quamvis non impediatur, quin paterna ipsius indignatio suboritur contra filium immorigerum, arcet tamen odium hostile, quod cum proposito damnandi conjunctum est. *Cum punimur, à Domino erudimur, ne cum hoc mundo* Gal. 5. 21. I. Cor. II. 32. *damnemur.* Veruntamen hic Pater misericordiarum, qui non vult filios suos, etiam peccati reatu constrictos cum mundo damnare, neque vult eosdem peccatis suis cum mundo suaviter indormire. Hinc illum ordinem instituit, ut actus pœnitentiæ beneficium veniæ præcedat. Psal. 32. 3. *Delictum meum cognitum tibi feci, & iniquitatem meam non abscondi. Dixi, Confitebor adversum me iniquitatem meam Domino. Et tu remisisti iniquitatem peccati mei.* Et Ezech. 18. 27: *Cum averterit se impius ab impietate sua, quam operatus est, ipse animam suam vivificabit.*

Si quis igitur ipsum momentum cognoscere velit, in quo post contractum ex gravi peccato reatum fiat actu absolutus, videtur Cyprianus clare illud hisce

Cypr de cuna D. verbis indicasse. *Cum te in conspectu Domini video suspirantem, Spiritum sanctum non dubitabo aspirantem: cum intueor flentem, sentio ignoscentem.*

VI.

IN interstitio predicto jus ad regnum cœlorum non tollitur, justificatio universalis non irrita redditur, status adoptionis manet immobilis, & custodiēte Spiritu S. semen regenerationis una cum omnibus fundamentalibus donis, sine quibus hominis regenerati status non consistit, sarta testā conservantur.

Rom. 8. 17.

IUs nostrum ad regnum cœleste non in actionibus nostris, sed in gratuita adoptione atque in nostra cum Christo conjunctione situm est. Ideoq; jus ad regnum non tollitur, nisi sublato eo, in quo fundatur, *si filij, hæredes; hæredes Dei, & coheredes Christi.* Manente ergo adoptione & in Christū insitione, extra viam regni aberrare potest fidelis, at jure regni hæreditario excidere non potest. Nam sicuti is, qui in lepram incidit, propria domo carere cogebatur, donec ab illo morbo esset purgatus, neque interea loci ius ad suam domum amisit: ita Dei filius adoptivus, adulterij, homicidij, aut cuiuscunque atrocis peccati lepra corruptus, non potest quidem cœlum ingredi, nisi per fidem & pœnitentiam renovatam ab hac contagione prius re-purgetur: & tamen ius eiusdem hæreditarii interim non exstinguitur.

Porro nec illa universalis & propriissime dicta Iustificatio [quam depingit Apostolus Rom. 3. 24. 25.] irrita

rita redditur interveniente reatu particularis peccati, licet atrocis, & conscientiam graviter sauciantis. Nam huic iustificationi è diametro opponitur, non quilibet reatus cuiuscunque peccati, sed reatus universalis omnium peccatorum nondum expiatus, nec reatus cuiusq; personæ, sed reatus incredulorum Christi sanguine nondum ablutorum, nec cuiusvis mensuræ reatus, sed reatus talis, propter quem odium Dei hostile personæ reæ superincumbit. Qui semel vera fide iustificatus est, nunquam erit postmodum hoc modo reus.

Dicere itaque possumus, Effectum iustificationis interveniente particulari tali peccato ad tempus suspendi: quia persona ex hoc novo reatu indiget particulari absolutione. At dicere non possumus, Statum iustificationis dissolvi: quia eadem persona non excidit ab universali peccatorum præcedentium remissione, non privatur speciali illa, quam credentibus omnibus Christus promisit, intercessione, nec gratuita Dei Patris sui dilectione.

Par ratio est adoptionis, Nunquam enim Deus in Christo adoptat sibi filium, quem postea exheredare, & è familia sua ejicere, aut cogatur aut consuevit. Peccare quidem possunt, & graviter, Filii Dei: ita tamen eos peccare, ut orbentur patria & patre coelesti minime patietur Dei providentia & misericordia. *Servus non manet in domo in æternum, filius autem manet in æternum.* Nam [ut loquitur Ambrosius] *donum adoptionis Deus non rescindit.* Ioh. 8. 35.

Denique, semen regenerationis, cum fundamentalibus illis donis, sine quibus vita spiritualis non consistit, salva conservantur. Hoc inde clare patet, quod idem Spiritus sanctus, qui hoc semen cordibus feneratorum insuat, eidem semini vim imprimat coelestem

&

*Ambrosii de Iacob.
& Vita Beat.
lib. 1. cap. 6.*

Ioh. 4. 14.

I. Ioh. 3. 5.

Greg. mor.
lib. 2. cap. 42.

& incorruptibilem, eandemque perpetuo fovet, & custodit. *Qui biberit ex aqua, quam ego dabo ei, non sitiet in aeternum: sed aqua, quam ego dabo ei, fiet in eo fons aqua salientis in vitam aeternam. Omnis, qui natus est ex Deo, peccatum non facit, quoniam semen ipsius in eo manet.* Manente in iis hoc vitæ semine, vitæ fidei, & charitatis dona prorsus extingui est plane impossibile. Hinc vero Gregor. *In Sanctorum cordibus, secundum quasdam virtutes semper manet Spiritus: secundum quasdam recessurus venit, & venturus recedit. In his virtutibus, sine quibus ad vitam non pervenitur, in electorum suorum cordibus permanet.*

VII.

QUod renati prorsus non excidant à fide, sanctitate & adoptione, minime oritur ex ipsis, aut ipsorum voluntate, sed ex speciali Dei amore, divina operatione, Christi intercessionem & custodiam.

Errum est, si Deus stricto iure nobiscum agere vellet, posse eum iustissime paternum suum favorem, gratiaque salutiferæ dona nobis ob ingratitudinem & proterviam nostram subducere. Sed, cum ipsius Scholæ Decreto peccatū non tollit gratiam effective, sed demeritorie; nisi evincatur, Deum cum suis agere secundum mala eorum merita, haud consequetur, ex admisione atrocis alicujus peccati fidem eos amittere, aut justificationis & adoptionis statu excidere. Nam quod nostro merito malo iuste fieri posset, id boni Dei misericordia, & Christi intercessionem, ac Sp. Sancti operatione ne fiat, impeditur. *Nulla creatura poterit*

poterit nos separare à charitate Dei, quæ est in Christo Ie- Rom. 8. ult.
su Domino nostro : Non diabolus : Hunc enim Deus Rom. 16. 20.
conteret sub pedibus nostris. Non mundus : Hunc enim
Christus visit ; & ita operatur in omnibus suis, ut ipsi 1. Ioh. 3. 4.
 quoque per fidem tandem victores evadant. Non de-
 nique [unde maximum nobis imminet periculum]
 propria nostra infirmitas , aut liberi nostri arbitrii
 in malum proclivitas & flexibilitas. Nam Dei virtus
 in hac fidelium infirmitate semper ostenditur , &
 per Christi intercessionem pro iisdem, ne deficiant
 à sua fide, semper obtinetur. *Ego rogavi pro te ne defi-* Luc. 22. 32.
ciat fides tua. Non tantum pro ijs rogo, sed & pro ijs, Ioh. 17. 20.
qui credituri sunt per sermonem eorum, &c. Perseve-
 rantiam igitur fidelium in fide & Dei gratia, non arces-
 simus ab eorum libero arbitrio, sed ab eorum libera-
 tore Christo.

Liberabit me Dominus ab omni opere malo, & ad cæ- 2. Tim. 4. 8.
lestre regnum suum conservabit me.

Huc spectant illa apud August. *Tutiores vivimus si to-* Aug. de Bono. 1.
tum Deo damus, non autem nos illi ex parte & nobis Persev. cap. 6.
ex parte committimus.

Sicut ipse operatur ut accedamus, sic & ipse operatur, Ibid. cap. 7.
ne discedamus.

VIII.

Perseverantia itaque Sanctorum est grati-
 tum Dei donum, & ex decreto Electionis
 ad nos derivatum.

Conclusio hæc ex ijs omnibus , quæ jam dicta
 sunt, enascitur. Verum ut clarius constet, pau-
 cula adjungemus.

L

Primo,

1. Cor. 47.

Primo, quod sit donum Dei gratuitum, evincitur ex illis Apostoli verbis, *Quid habes quod non accepisti? Si autem accepisti, quid gloriaris quasi non acceperis?* Si res ulla iustam gloriandi causam hominibus præbeat, ea profecto est constanter in bono usque ad finem perseverasse, etiam tum cum potuerint mediis ad perseverandum sufficientibus pro arbitrio non uti. Aut igitur hoc singulari munere datur fidelibus, aut habent aliquid quod non acceperunt, in quo magnifice gloriarentur. Nos autem è contra asserimus, si ve per perseverantiam intelligi velimus ipsam vim statuminantem & suffulcientem fideles, si ve ipsam stabilitatem, & invictam fidei firmitatem, si ve denique ipsum actum perseverationis, nihil horum esse quod non sit donum Dei.

In respons. ad
Walach. pag. 75.

Quod ad vim attinet, qua fulcitur voluntas, ut possit perseverare, Remonstrantes haud gravate concedunt, solam Dei gratiam esse, quæ hominem hisce viribus ad perseverandum instruit.

2. Thef. 3. 3.
1. Cor. 1. 7. 8.

Quod attinet ad ipsam stabilitatem & firmitatem, quæ consideratur ut modus vel adjunctum veræ fidei, hoc etiam in donis Dei numerandum est. Nam qui dat ipsam rem, nempe fidem, ille & modum rei simul dat, puta stabilitatem ejusdem fidei, si ve firmitatem, *Fidelis est Dominus qui stabiliet vos. Nullo dono destituti estis sed expectatis revelationem Domini nostri Iesu Christi, qui confirmabit vos usque ad finem inculpato.* Ex quibus dictis pater, Fidem esse donum Dei, tam in suis incrementis & stabilitate, quàm in suis incipijs, & quasi tenella ætate. Denique, si sanas loquendi formulas ex Scripturis petere cupiamus, ipsum actum perseverationis nostræ donum quoque Dei appellemus oportet; Nam si Scriptura non modo ipsam fidei

qualitatem

qualitatem donum Dei appellat, sed ~~non modo~~ gratuito Phil. 1. 19.
 hominibus donatum pronunciat, tum etiam & nos de-
 bemus non modo perseverantiam, sed & ipsum perse-
 verationis actum Deo acceptum referre. Hoc in loco
 allegato clare docetur, ubi Apostolus ait, non modo
 datum fuisse Philippenfibus credere in Christum, sed
 etiam pati pro Christo : quod quid aliud est, quam
 sub cruce in fide Christi perseverare ? In hanc senten-
 tiam Augustinus, *Asserimus donum Dei esse perseveran-* In Epist. Hilarii
ad Aug.
tiam, qua usque in finem perseveratur in Christo. Et in-
 ter Mafiliensium errores refertur, quod negaverint
 dari cuiquam talem perseverantiam, *a qua non permis-*
titur pravaricari. Quem errorem refellit Augustinus Aug. de Bono
Persever. cap. 3.
 de Bono. perseverant. Cap. 6.

Iam restat, ut hoc donum perseverantiæ ab Electi-
 onis fonte dimanare ostendamus. Cui rei firmandæ
 unicum hoc argumentum afferemus.

Quod datur ex efficaci intentione infallibiliter ser-
 vandi illam personam, cui donatur, illud ex decreto
 electionis dimanare manifestum est. Quid enim aliud
 est aliquem eligere, quam eundem ad salutem infalli-
 biliter consequendam ordinare : jam vero ea est vis
 & natura hujus doni, ut ne cogitare quidem possimus,
 cuiquam à Deo destinatam aut donatam esse perseve-
 rantiam, nisi ex intentione prævia eundem ad salutem
 infallibiliter ordinandi & perducendi. Quicquid enim
 commodi ex quocunque divino beneficio ad quemvis
 redundat, id totum absque dubio beneficii autor in eū
 conferre decrevit, cui idem beneficium impartiri dig-
 natus est. At ex immota Dei ordinatione, quisquis
 perseveraverit, salvus erit. Ergo cuicumq; Deus dare
 voluit perseverantiam, manifestum indicium est, eun-
 dem antecedenti Dei decreto ad salutem fuisse desti-

natum. Huc spectat illud Matth. 24. 24. Vbi seductionis impossibilitas quoad certas personas Deo notas in prævia eorundem electione fundatur, Et illud Pauli Rom. 11. 5. Ubi pauculorum reservatio qui à Deo non defecerunt, secundum electionem gratuitam facta esse dicitur.

De his vide plura apud Augustin. de Bono. Persever. Cap. 17.

DE PERSEVERANTIAE

certitudine quoad nos.

THESIS I.

Q*Uivis fidelium potest certo esse persuasus, quod per misericordiam Dei Patris sui sit in vera fide conservandus, & ad eternam salutem perducendus.*

DE perseverantia egimus, quoad certitudinem obiecti, nunc de eadem agendum quoad certitudinem subiecti; nempe, quatenus rem in se certam, etiam nos, in quibus perficitur, pro certa ac infallibili apprehendimus. Quemvis fidelium dum in huius beneficii sortem admittimus, hoc non paucis indultum privilegium, sed fidelibus omnibus, qua fidelibus, attributum, iisque quarto modo proprium astruimus.

Posse autem potius, quam semper actu esse ita persuasum dicimus, quia certa hæc persuasio, etsi ex ipsa fidei natura emergat, non tamen semper, prout potest, ac debet, actum suum exerat, sed nonnunquam supprimatur, ut paulo post dicemus. Veruntamen hic asserimus,

asserimus, quemvis vere fidelem intus apud se & semper & ad semper fundamentum huiusmodi habere in promptu firmum satis, cui, si recte statum suum, divinamque promissionem & custodiam pensiter, superstruere possit actualem hanc ~~negociar~~ de sua in fide ad salutem æternam conservatione.

1. *Deo*, propter gloriam suam non est satis, nos conservare, nisi etiam nos de hac sua conservatione faciat certiores. *Benedictus Deus cuius virtute custodimur* 1. Pet. 1. 3. *per fidem in salutem*. Non autem benedicimus Deum de iis, quæ nobis sunt incomperta. Christo non erat satis, pro Petri perseverantia orare, unde effectum in se erat infallibile; nisi etiam Petrus id ipsum sciret, unde firma eiusdem persuasione frueretur. *Oravi pro te, Pe-* Luc. 22. 32. *tre, ne deficeret fides tua.*

2. *Nobis*, propter solatium nostrum, non est satis in Ecclesiæ navi positos versus salutis portum tendere, nisi etiam firmiter persuasum habeamus, nulla tempestate posse nos à portu oprato secludi. Noacho non satis erat Arca includi, sed etiam ad fiduciam ipsius confirmandam contra naufragium divina promissione munitus erat, *Ponam fœdus meum tecum, & ingredieris* Gen. 6. 18. *Arcam, &c.*

3. Hæc persuasionis certitudo promanat ex ipsa fidei specialis natura, utpote quæ fertur non tantum actu directo in rem promissam, sed & actu reflexo in suam apprehensionem. De priori actu, illa; *justificati per fi-* Rom. 5. 1. *dem, pacem habemus erga Deum. Oves meæ non peribunt* Ioh. 10. 28. *in æternum*. De posteriori, illa; *πιστεύοντες ὅτι ἠγαπήσατο αὐτὸν*. Item, *Qui credit in Filium habet testimonium Dei in se.* 1. Ioh. 5. 10. Item, *Nos accepimus Spiritum, qui ex Deo est, ut sciamus,* 1. Cor. 2. 12. *quæ à Deo donata sunt nobis.* Ergo omnis vere fidelis per intimum fidei suæ actum credit ejusdem fidei suæ conservationem.

4. Idem

4. Idem stabilitur ex fidei hujus testimoniis. Insigne *παύνη* est spirituale gaudium. *Credentes exultatis gaudio ineffabili & glorioso.* Gaudium autem hoc non est evanidum. *Gaudium vestrum nemo tollet à vobis.* Item, Spiritualis gloriatio. *Habemus accessum per fidem in gratiam istam, in qua stamus, & gloriamur in spe gloria filiorum Dei.* Hæc autem gloriatio fertur in objectum suum, ut præsens & jam comprehensum, et si reipsa futurum. Sic Chrysostomus [in locum] *Gloriatur quis super ijs, quæ in manu jam habet. Quoniam igitur rerum futurarum spes ita firma est atque evidens, ut jam datarum, aque, inquit Apostolus, & super illis gloria- mur.*

5. Denique, hanc non modo perseverantiæ, sed & perseverantis certitudinem probat mutua inter Deum & fideles oppignoratio, illinc depositi nostri in Dei manu custoditi, hinc arrhæ divinæ cordibus nostris inditæ. Utrumque pignus non ad utriusque, sed ad unius tantum partis securitatem datur, nempe, nostri. Utrumq; licet utrumq; possideatur, tamen unius tantum partis fidelitate custoditur, nempe Dei. De priore Paulus, *Non confundar: scio enim, cui credidi: & certus sum, quia potens est servare depositum meum in illum diem.* Depositum: ibi pignus salutis; Potens servare: ibi custos firmus: Scio, & certus sum: ibi fides. Non confundar: ibi fiducia.

De posteriore penes nos sito idem Apostolus. *Credentes signati estis Spiritu promissionis s. qui est arrhabo hereditatis nostræ.* Item, *dedit arrhabonem Spiritus in cordibus nostris.* Quod si Deus hac arrha nobis prius data, reliquam hereditatis possessionem consequenter non adjiceret, ipse arrhæ perditæ damnū pateretur, ut eleganter, suavique solide infert Chrysostomus,

Ioh. 5. 10.

Cor. 2. 12.

Pet. 18.

Ioh. 6. 22.

Rom. 6. 3.

1. Tim. 1. 12.

Ephes. 1. 14.

2. Co. 12.

ὁ ἴδ, εἰ μὴ ἕμῃς τὸ πᾶν ἀδύνα, ἀλλὰ καὶ τὸ ἀρραλὼν παρρησίῃ, καὶ ἀπολήσει εἰς ἡμᾶς.

Chrysost. Homil.
in 2. cor. 1.

Idem; Οἱ ὄντως πιστοὶ ματρίαν ματρίοντες, ἵστανται τὸ ἀρραλὼν τὸ κληρονομία καὶ ἡμᾶς ἐστὶ.

Idem Homil. 2
in Ephes. 1.

II.

EXtra studium sanctitatis, & usum medium, non potest in actum exire hæc fidei persuasio.

Perseverantiæ donandæ, ac vitæ æternæ adipiscendæ firmam persuasionem ad solam quidem Dei misericordiam ac Christi intercessionem, ut causam, referimus; ita tamen ut ad sanctificationem, ut comitem individuum, ac certum indicem, simul remittamus. Hoc ipsum solidæ fidei indicium ponitur; *In hoc scimus, quod cognovimus eum, si mandata ejus servemus.* 1. Joh. 2. 3. Hæc justificationis quasi propria passio describitur. *Nulla condemnatio ipsis, qui in Christo sunt, qui non secundum carnem ambulant.* Rom. 1. 1.

Hanc autem sanctitatem, non gradu, sed studio, sive proposito metimur; ipsamque & sanctitatem & fidei persuasionem precatione, jejunijs, vigilijs, membrorum mortificatione, alijsque medijs à Deo institutis pro noveris, & firmari posse ac debere pronunciamus. *Vigilate & orate, ne intretis in tentationem, Casti corporis meum; ne efficiar seculanus.* Marc. 16. 28. 1. Cor. 9. 27. Interim tamen studium hoc & pium horum mediolorum usum, ita inter nostra liberatæ voluntatis curricula recensemus, ut simul inter gratiæ adjuvantis auxilia, & Spiritus S. inhabitantis notiones, numeremus.

Hanc autem, de qua loquimur, firmam persuasionem, constat sine his non emergere.

1. Quia

I. Quia justificationis comes sanctificationis non consistit extra obedientiæ propositum. Quod quidem propositum habituale, licet multis interruptum lapsibus, sufficit electis ad statum justificationis in se saluum custodiendum; ad præsentaneum autem fiduciæ solatium necessario requiritur hujusmodi propositum actuale. Nec potest quisquam ex Spiritus testimonio ad cor suum loquente dicere, Ego iam firmiter credo me in statu gratiæ indefectibiliter perstitutum: nisi simul ex sinceri cordis studio adjiciat, Ego iam firmiter statuo in Sanctorum Dei mandatorum vijs ambulare.

Multo minus cogitari potest vivus hujusce fiduciæ actus stare cum actuali & directo peccandi proposito: cum, ut habitus habitui, ita actus actui opponatur. Nec sine intulsa contradictione quenquam fingemus ita statuentem, Ego vitam æternam mihi eripinon posse plane confido. Simul tamen mihi decretum est, illecebrofis cupiditatibus inservire, Hæc *debetur* esse ostendit Salvator, *Nemo potest duobus dominis servire.*

III.

Persuasio hæc non habet illum certitudinis gradum, qui omnem contrarij formidinem perpetuo excludat: sed aliquando vivida est, aliquando languida; aliquando, ut in gravissimis tentationibus, nulla.

IN donis spiritualibus, quibus in hac vita imbuimur, spectanda sinceritas, non exspectanda graduum perfectio: etiam illud, quod reliquis omnibus arripiendis

dis est manus, suos habet morbos, & debilitates, ita ut summo certitudinis gradu non semper fruatur fidelium de sua salute perseverantiaque persuasio.

Primi debilitas oritur, ex ipsa fundamentali huius personalis fiduciæ dependentia, quæ infra fidei dogmaticæ certitudinem videtur subsidere. Assensum quippe nostrum afficiunt fidei Catholicæ Articuli, ut principia immediata, ac prima. Fidei autem specialis veritas, non inde deducitur, ut quiddam necessario consequens, sed tantum subiungitur per modum assumptionis. Ergo illius, quæ hanc persuasionem facit, conclusionis non potest esse firmitudo major, quam quæ præmissarum debiliori inest. Subsumptio autem illa experimentalibus nititur indiciis perprivatam hominis conscientiam pensitatis. Quæ cum nonnunquam in dubium vocentur, an sint signa genuina, sæpe autem tentationum nube occultentur, ne ad præsens solatium effulgeant; quid mirum si non semper in promptu sit vegeta & valida fidelium de sua æterna salute persuasio.

Quid quod etiam ipsa Fidei Catholicæ principia, utcumque revelationis lumine in se clara, cum tamen per certitudinem, non evidentiam, sed tantum adhesionis nobis innotescant, non adeo æquabilem apud eos sortiuntur assensus firmitatem, qualem demonstrationes Mathematicæ, aut communes Notiones. Sed in iis ipsis intuendis, ex nostræ carnalis diffidentiae reliquiis quasi vapores oboriuntur aliquando, per quos divinæ immutabilis veritatis lumen refringi nobis videtur, ac vacillare. Quanto crebrior ac diuturnior est in personali sua fiducia intuenda hallucinatio singulorum fidelium? Quorum quidem oculi semper vacillarent, nisi & hanc communem fidei Catholicæ

M

revelationem,

revelationem, & illam propriam subsumentis conscientiae applicationem firmaret, & cordibus nostris obfigaret Spiritus Dei, qui testimonium perhibet *Spiritus in nostro nos esse filios Dei*. Hoc autem ipsum Spiritus testimonium, etsi nunquam semen ipsum prorsus extinguatur, quoad fructum tamen & sensum, aliquando vel se subducit, ut nobis pateat infirmitas nostra; vel ad tempus nostra rebellione & ingratitude obruitur.

Altera itaque debilitas oritur ex tentationibus, quibus hæc persuasio oppugnatur. Ex sunt partim afflictiones, quæ malum poenæ videntur intentare, partim perversæ nostræ concupiscentiæ, quæ malum culpæ reatumque imprimunt; partim Diaboli laquei & insultus, quibus nos utroque in genere infestât: præcipua vero palæstra est in carnis & Spiritus colluctatione. Durante hac lucta languida est fides. Quod si vincat Spiritus carnem, tum vivida est, ac triumphum canit, *Quis nos separabit à charitate Christi?* Sin, quod sæpe fit, delassatus, & fractus ad tempus succumbat Spiritus, vel afflictionum mole oppressus, vel graviorum peccatorum maculis sordidatus, nulla tum restat actualis huiusmodi persuasio, solatium omne spirituali intercluditur, divinique vultus lumen absconditur. Hinc illæ Sanctorum querulæ voces, Iob 6. 4. *Sagitta Domini in me sunt, quarum indignatio ebibit Spiritum meum, & terrores Domini militavit contra me*. Threnor. Cap. 3. 42. *Nos inique egimus, & ad iracundiam provocavimus. Idcirco tu inexorabilis es, opposuisti nubem tibi, ne transeat oratio*. Quod si altius surgant tentationum fluctus, & conscientiam suo onere pressam etiam vulnerent ignita Diaboli tela, tum non modo exulat suavis hæc persuasio, sed prorsus contraria succedit. Quæ sancti turbati Deum, ut iratum, apprehendunt,

Rom. 8. 35.

dunt, ac in apertas Inferorum portas ruituri sibi videntur. Hoc monstrant pene desperanda illæ voces Iobi. 3. 2. *Pereat dies in qua natus sum.* Davidis psal. 31. 32. *dixi in excessu mentis mea, Projectus sum à facie mulierum tuorum.*

IV.

Postquam fidelis ex huiusmodi tentationibus eluctatus est, actus ille, quo apprehendit paternam Dei erga se misericordiam, vitamque æternam sibi infallibiliter conferendam; non est actus incertæ opinionationis, aut spei conjecturalis, cui falsum subesse potest, sed vera & viva fidei per adoptionis spiritum in ejus corde excitata & obsegnata.

VT in natura, sic etiam in gratia, nube pulsa clarior it dies; & morbi quidam sunt in posterum salutare: Fidelis è gravium tentationum fluctibus emergens, non modo eandem, quæ pene suffocata erat, fiduciam resuscitat, sed & majorem ejus gradum acquirit, fit enim & ab exercitio fortior, & à victoria lætior. Quod si ea in lucta etiam ossa illi fuerint confracta, in nodum firmiorem consolidabuntur. Psal. 51. 10. *Exultabunt ossa humiliata,*

1. Quia hominis regeniti vita & status est spiritualis, & quasi contra naturam distinctur, dum peccati aut tentationis vi abripitur. Itaque Spiritus facile ad ingenium suum redit, & priorem suam de Dei misericordia paternam fiduciam recognoscit. Hoc ex Sanctorum exemplis constat, qui luctas suas vehementiores in vi-

Ien. 2. 5.

Rom. 7. 24.

vam fidei vocem definientes exprefferunt. Ionas in ventre Ceti, *Abiectus sum à conspectu oculorum tuorum: veruntamen rursus videbo Templum Sanctum tuum.* Paulus, *Infelix ego homo, quis me liberabit à corpore mortis huius? Gratia Domini Iesu Christi.* In utroque luctam subsequens eluctatio. in actum fidei firmum erumpit.

Rom. 5.

2. Quia anima anhela, & reconciliationem paternā fitiens, ad aquæ vivæ fontem avidius accurrit, & suavius gustat, qua aliquantulum se privari sensit, placati Dei fruitionem. Inde fidei semen in se agnoscit, cuius vi ad ipsas fidei ruinas refarciendas exurgit. Ejus quidem radix ipsa concussione crescit, & novas fibras emittit: unde majoris certitudinis propagines succrescunt. Ex hac colluctatione & afflictione patientiam discit, qua se domat; *ex patientia probationem*, qua se explorat: *ex probatione ad spem* adscendit de futuris tentationibus similiter superandis; 2. Cor. 1. 10. *Qui de tantis periculis nos eripuit, & eruit: in quem speramus, quoniam adhuc eripiet.* De perseverantia, adeoque vita æterna conferenda. 1. Cor. 1. *Confirmabit vos usq; in finem inculpato in diem Domini nostri Iesu Christi.* Hæc autem spes non confundit, ut ibidem sequitur apud Apostolum. Non est itaque vaga opinio, aut incerta coniectura; sed spes, quæ, ut à fide orta, eandem habet cum fide certitudinem, ideoque solida est, ac infrustrabilis.

Renovatae huius confirmataeque fiduciæ exemplum habemus in Davide, post maculam gravis peccati absolutam. Psalm. 51. Post tentationis periculosa retusum impetum, Psalm. 73. In utroque elucet Spiritus precum, gaudium spirituale, & obsignatio adoptionis. *Spiritum sanctum à me ne auferas. Tenuisti manum dextram meam.*

meam, &c. Inde fiducialis illa conclusio; Mihi autem Deo adhaerere bonum est, ponere in Domino spem meam.

THESES HETERODOXÆ, QVAS REIICIMVS.

THESIS I.

Perseuerantiam vere fidelium non esse effectum Electionis, sed beneficium omnibus sub hac conditione ex æquo oblatum, nempe si gratiæ sufficienti non defuerint.

Primum huiusce Theseos membrum confutauimus in Thesisibus nostris de 1. Articulo, Orthodoxa 3. & Heterodoxa 3. Item in hoc 5. Arti. Thesi. 8. Orthodoxa, de Perseuerantiæ certitudine, quo ad rem.

Secundum ejusdem membrum multa numerat absurda..

1. Falsum est, perseuerantiam esse donum tantum oblatum, non etiam datum. Scripturæ enim testantur Deum gratiam perseuerantiæ suis non tantum offerre, sed etiam dare, ac ipsorum cordibus indere. Ier. 33. 40. *Timorem meum dabo in corda ipsorum, ut non recedant à me.* Ioh. 4. 14. *Aqua, quam ego dabo illi, fiet in eos fons aquæ salientis in vitam æternam.* 1. Cor. 10, 13. *Sed una cum tentatione dabit etiam exitum.*

2. Falsum est, idem ex æquo omnibus offerri, ut patet ex nostris de Artic. 1. Thesisibus supra citatis. Vbi perseuerantiam in fide ad solos electos pertinere probauimus.

3. Falsum est, perseuerantiam esse Donum sub conditione

ditione oblatum. Est enim donum à Deo absolute promissum sine ullo conditionis respectu. Ratio hæc est: promissiones Dei aliæ sunt de fine, aliæ de medijs ad finem; Promissiones de fine, verbi gratia, de salute sunt conditionatæ. *Crede, & salvaberis. Esto fidelis ad mortem*, [seu persevera] *& ego dabo tibi coronam vitæ.* Cum autem nemo par sit conditionibus præstandis, Deus quoque promissiones fecit liberrimas & absolutas de dandis ipsis conditionibus; quas ipse in nobis efficit, ut per ipsas, tanquam media, possimus ad finem pertingere. Deu. 36. 6. *Deus circumcidet cor tuum, ut diligas Dominum Deum tuum, ex toto corde & tota anima tua, ut vivas.* Finis hic promissus est vita, quem Israelitæ nunquam assequuntur, nisi præstita hac conditione, nempe Dei dilectione. Verum Deus hic absolute promittit, se daturum illius ipsam conditionem.

Cum itaque promissiones de fide & perseverantia in fide, sint promissiones de medijs, omnino sunt de donis absolutis, quibus Deus, per spectata hominū a^udivina, cum de assequendo fine sine medijs, cum de ipsis medijs seu conditionibus ex se præstandis, pollicetur se effecturum, ut conditiones ipsas præstent. Deus vitam spondet constanter ipsum timentibus. Promissio de vita est conditionata: de constanti autem timore absoluta. *Timorem meum dabo in corda ipsorum, ut non recedant à me.*

4. Esto donum hoc conditionatum. Non tamen offertur sub hac conditione si gratiæ sufficienti non defuerint. Contra hanc conditionem militant illæ rationes, quæ à nobis allatæ sunt contravires Liberi Arbitrii in hominis conversione. Quibus & has addimus.

1. Ex hac conditione sequetur, frustra nos pro ullis hominibus orare Deum, ut det ipsis donum perseverantiae

rantiz: quia de more offert illis universalem, & sufficientem gratiā, cui si nolint ipsi deesse, perseverabunt.

2. Otiosa est hæc conditio, facit enim perseverantiam conditionem perseverantiz. Non enim deesse gratiz sufficienti est perseverare. Si itaque sub hac conditione Deus perseverantiam offerat, offert eandem sub sui ipsius conditione.

Denique secundum hujus antitheseos membrum solide ab Augustino convellitur, Cujus disputationis hæc summa est; *Ade fuit datum, ut posset, si vellet, in bono perseverare; sed non fuit datum ut vellet. Nobis vero, qui vere Christo insiti sumus, talis data est gratia, ut non solum possimus, si velimus; sed etiam, ut velimus in Christo perseverare.* *Aug. de Corre. & Grat. C. II. & 12.*

Item de unitate Ecclesiæ cap. 9. idem Augustinus ipsissimam hanc vocem in Donatistis damnat, *Si volunt homines, credunt: si nolunt, non credunt: si volunt, perseverant in eo, quod credunt; si nolunt, non perseverant.*

THESIS II.

Perseverantiam esse conditionem novi fœderis antecedaneam ad Electionem.

Vide 2. & 1. Theses Heterodoxas à nobis in 1. Articulo rejectas.

THESIS III.

Vere fidelem posse peccare in Spiritum Sanctum;

Thesi hanc hæ rationes oppugnant.

1. **P**eccare in Spiritum Sanctū est peccare ad mortem 1 Joh. 5, 16. Vere fideles non possunt ad mortem

sem peccare. Quia peccare ad mortem, est illud peccatum admittere, ex quo certa mors sequetur, nempe æterna & secunda : quæ tamen numquam potestatem habet in vere fideles : urpote qui peccato moriuntur, & à peccatis resurgunt ad vitæ novitatem. Apoc. 20, 6. Beatus & sanctus, qui habet partem in prima resurrectione : in tales secunda mors non habet potestatem.

2. Qui peccant in Spiritum Sanctum illi nunquam perveniunt ad gloriam aut regnum cœleste : ad quod tamen vere fideles infallibiliter perveniunt. Esse enim vere fidelem idem est quod esse justificatum, ac filium Dei adoptivum. Iustificati autem ad gloriam perveniunt. Rom. 8. *Quos justificavit, hos glorificavit. Et filii adoptivi perveniunt ad regnum cœleste. Gal. 4, 7. Si filii, etiam hæredes Dei.*

3. 1. Ioh. 3. 9. *Quisquis natus est ex Deo, qualis est omnis vere fidelis, peccatum non potest facere : quod (interprete Apostolo, vers. 8. Qui peccatum facit, est ex Diabolo)* intelligendum est de istiusmodi peccatis, quæ constituunt hominem sub regno & potestate Diaboli, quale cum primis est peccatum in Spiritum Sanctum.

2. Tim. 4. 18.

Quo spectat illud quoque Apostoli, *Liberabit me Dominus ab omni opere malo, & ad cœleste regnum conservabit me. Quid ? an ab omni omnino opere malo ? Non id quidem. Sed ab omni tali opere malo, quod ipsi jus ad regnum cœleste prorsus adimat : Cujusmodi procul dubio, propter non modo malitiam insitam, sed & finalem adjunctam impoenitentiam, est peccatum in Spiritum Sanctum.*

THESIS IV.

Nullum vere fidelem ac regnitum posse esse certum in hac vita de sua perseverantia ac salute, absque speciali revelatione.

DE priore huius Antitheseos parte, actum prius in hoc Articulo. Perseverantiam autem de futuro posse sine revelationis specialis privilegio innotescere, hic probatur hac ratione. Quosdam Sanctos, præsertim Paulum, hanc certitudinem adeptos in confesso est. Rom. 8, *Certus sum, quod neque mors, neque vita, &c.* Atqui Paulus ipse hanc fiduciam non à revelatione extraordinaria petijt, sed à rationibus illis, quæ ipsi cum aliis fidelibus sunt communes, vers. 32. *Qui proprio Filio suo non pepercit, sed pro nobis omnibus tradidit illum, quomodo non etiam cum illo nobis omnia donabit? Quis accusabit adversus electos Dei? Deus est, qui iustificat, Christus est, qui interpellat pro nobis.* Nunquid soli Paulo, non item aliis fidelibus, datus Christus? Num solus Paulus electus Dei? Num solus Paulus Deus iustificat? aut pro solo Paulo Christus interpellat? Cum ergo ex his præmissis toti Electorum Ecclesiæ communibus, ibidem subinferat Apostolus Conclusionem fiducialem *Quis nos separabit? & certus sum, &c.* constat alios etiam fideles, quibus ius est ad eadem media salutaria, posse inde hanc haurire, & sibi applicare *πνευματιαν* de sua salute & perseverantia. Eandem conclusionem fidelis quisque potest ex aliis ordinariis præmissis inferre.

1. Ex Dei fidelitate, 1. Corinth, 10. 13. *Fidelis est Deus, qui nos finit, &c.* 2. Ex experientia prioris bene-

N

volentia

volentiæ, Phil. 1. 6. *Persuasum habens, hoc ipsum fore, ut qui incæpit opus bonum, perficiat.* 3. Ex bonorum operum praxi in fide præstitorum, 2. Pet. 1. 10. *Si enim hæc feceritis, nunquam exciditis:* quæ autem illa sint, constat ex vers. 5. & 6. 4. Ex testimonio conscientiæ, 1. Ioh. 3, 31. *Si cor nostrum nos non condemnat, fiduciam habemus apud Deum.* 5. Ex testimonio antea actæ vitæ, 2 Tim. 4, 7. *Bonum certamen certavi, &c. deinceps mihi reposita est corona.* Ultimo, hæc omnia obsignat testimonium Spiritus Dei, Rom. 8, 16. *Spiritus Dei attestatur Spiritui nostro, &c.*

Hæc & similia media singulis patent fidelibus. Ergo & Conclusio.

Quod si hæc cætitudo ab extraordinaria tantum revelatione profueret, frustra moneret Petrus omnes fideles, *Date operam ut electionem vestrâ firmâ reddatis.*

2. Pet. 1. 11.

THESIS V.

Quoties grave carnis peccatum comittitur, toties statum iustificationis & adoptionis amitti.

Contra hanc Antithesin militant, præter alias, hæ rationes.

Non potest homo ullo peccato actus divinos rescindere. At iustificatio & adoptio sunt actus divini, iiq; ex beneplacito emanantes. Ergo, &c. Cum itaq; quæritur, An per peccata carnis gratia iustificans possint intercidi, non solum quæritur, An homo per peccatum possit aliquam qualitatem amittere: sed litrem hanc oportet multo altius repetamus, An nimirum peccatum humanum possit actus divinos refigere, aut mutare illam Dei sententiam, qua jam apud se Deus pronuntiavit nos iustos, & adoptavit in jus filiorum.

Frustra.

Frustra autem hic obtenditur deficientia subiecti; cum Deus subiectum quod per se procul dubio deficeret, reficit continuo, dando ipsis perseverantiā, ne possint deficere. *Vt enim custodiat nos per fidē, custodit etiam in nobis fidem ipsam*, ut scite Reverend. Sarisburiensis. De veritate gratiæ.

2. Tantum abest, ut etiam gravia illa carnis peccata fidelem à statu iustificationis adoptionisq; temper deturbent, ut contra à Theologis, præsertim practicis, statuatur, Deum eadem sæpe in iustificatis & adoptatis permittere, ut confirmatio postea sit ipsis cum iustificatione adoptio, secundum illud Prophetæ Psal. I 19 72. *Bonum est mihi, quod humiliasti me, ut discam iustificationes tuas.* Hoc non modo in Davidis, sed etiam in Hezechiz, & Petri lapsibus patet: quibus occasionaliter promotum est in ijs studium sanctitatis, infirmitatis suæ agnitio, ac pro perseverandi dono vehementior Dei obsecratio. Concludimus itaque, Sanctorum lapsibus non abrumpi iustificationem, aut amitti adoptionem, sed effici, ut resurgentes eo cautius *cum timore ac tremore salutem suam operentur.*

THESIS VI.

DOctrinam de certitudine perseverantiæ & salutis, esse ex sua natura veræ pietati noxiam, & toti religioni perniciosam.

HAnc vero calumniam facile retundit & veritas divina, & humana experientia. Ist hæc, scilicet, Christiana de Perseverantia & Salute certitudo, non modo quoad rei naturam, sed etiā quoad ipsum in Ecclesia eventum, effectus, Deo benedicente, producit prorsus contrarios.

1. Quoad rei naturam, finis infallibilitas non tollit, sed stabilit, vsum mediorum. Idemque sancti, qui cer-

tissime sibi spondet & constantiam in via, & fruitionē in patria, simul norunt hoc non præstari sine intermediis sanctorum officijs, & oppositorum fuga: ideoque medijs illis non valedicunt, sed sedulo incumbunt.

1. Ioh. 3, 3. *Omnis, qui habet hanc spem in eo, sanctificat se, sicut & ille sanctus est.* Esai. 38, 5. Ezechias, accepto divino, de quindecim annis vitæ suæ adjiciendis, promisso, non ideo omnem medicamentorum, alimentorumque usum abiecit, sed ad ipsum eventum in actum producendum, cataplasma sibi à Propheta præscriptum ulceri curando adhibuit.

Hanc carnalis securitatis ex hac doctrina consequentiam, prorsus respuit Apostolus quasi indignabundus, Rom. 6, 1. *Permanebimus in peccato, ut gratia abundet? Absit, Qui enim mortui sumus peccato, quomodo vivemus in illo?* quasi non modo incongruitatem, sed & impossibilitatem inhueret.

2. Quod ad eventum attinet, verum quidem est, posse veritatem quamlibet Dei saluberrimam ex hominum abusu in perversum rapi. At ex hac doctrina, ne de facto quidem, extare ullum huiusmodi incommodum agnoscimus. Contemplemur Ecclesias Reformatas, in quibus viget hæc perseverantiæ ac inviolabilis adoptionis fiducia, Nunquid inde concupiscentiis fræna laxantur? num pietas pessundatur? Gratias agimus Deo, per Dominum nostrum Iesum Christum, quod apud nostros, qui hac solatii specialis plena persuasione fruuntur, & sibi inamissibilem in cœlis hereditatem conservari prorsus confidunt, non minor reperitur pietatis cura, vitæque, prout fragilitas humana fert, inculpatæ studium, quam apud alios quosvis, qui suam a libero arbitrio suspendunt perseverantiam, nec ab ulla electione Dei prævia eadē profluere conceditur.

Exposui.

EXposuimus nostram de celeberrimis hisce Quinq; Articulis sententiam; quam credimus Verbo diuino esse consentaneam, & tot Reformatarum Ecclesiarum Confessionibus conformem. A quibus ut una hæc Belgica divellatur, nec tutum nec pium ijs videbitur, quibus vel mica inest prudentiæ, vel veræ pietatis scintilla.

Hoc certe *Sereniss. nosser, ac Potentiss. Magna Britannia Rex, Fidei Christianæ Defensor*, ac propugnator longe acerrimus (qui etiam unice in votis habet, ut in florentissimis hisce Provinciis fides sincera, Ecclesiæq; & Reipub. pax, sarta tecta conservetur) inprimis curavit, cum nobis, huc destinatis, in mandatis daret, ut publicâ Ecclesiæ vestræ pacem moderatioribus consiliis pro modulo nostro promoveremus, ac ut venerandos Symmystas in Synodo hac celebri coactos, hortaremur, nequid in Decretis Synodicis, quod contraveniat receptæ doctrinæ, in tot publicis Ecclesiarum Confessionibus consignatæ, statuatur.

Displicuit non ita pridem novatorum quorundam ingeniis hæc recepta doctrina; quam dum omni ope, & opera exagitare studuerunt, ea nihilominus instar cœlestis cuiusdam flammæ, ipso motu & concussione clarius emicuit. Nos quidem ex animo optamus hisce fratribus nostris Remonstrantibus τὰς ὁρθολογικὰς ἀπορίαις παρατηρούμενοι, animosq; à pacis studio minime abhorrentes. Quinetiam & cæteris venerandis fratribus eam erga illos charitatem, ut quorum errores oppugnant, eorum personis bene velle non desinant.

Atque hic liceat nobis paulisper, ad Amplissimos & Præpotentes Ordines, eorumque Consultissimos Delegatos, omnesque adeo, qui ad clavum Reipubl. in hoc Belgio sedent, sermonem nostrum convertere.

Vestrum est Illustres DD. non minus curare, ne religio Orthodoxa, quam ne Respublica vestræ fidei concredita, quicquam detrimenti patiatur. *In hoc enim Deo serviunt Magistratus, cum ea faciunt ad serviendum illi, quæ facere non possunt nisi Magistratus.* Hic itaque non pietate tantum, & exemplo, sed potestate vestra, & imperio opus est. Imperium coerceat illam *prophetandi*, uti vocant, *libertatem*; qua freti nonnulli, fundatissima fidei nostræ dogmata primo leviter tentare solent, dein aperte impugnare, tandē explodere & exsibilare. Si Orthodoxam doctrinam, & communi omnium Ecclesiarum Reformatarum calculo comprobata cuiusvis liceat impetere; metuendum profecto erit, ne, qui, Magistratu connivente, res novas in Ecclesia moliri cœperint, eodem etiam repugnante, cum occasio ferat, idem quoque in Republ. moliantur. Sed minime opus habent nostra hortatione, qui jampridem ingenti labore & sumptu ea omnia procurant, quæ ad renovandam & stabiliendam in hisce Ecclesijs pacem ac veritatem optari potuerunt.

Quorum ergo singularem prudentiam, pietatem, & industriam perspeximus, de eorundem constantia vel dubitare nefas putamus. Deumque precabimur, ut, quæ pio animo ab iisdem profecta sunt, felici successu absolvantur.

Vos itidem paucis conveniemus, Dilecti Fratres ac Comministri, quorum prudentiam latere non potest, hisce, quæ disceptantur, primarijs controversijs immisceri aliquando quæstiunculas, quæ neq; eandem habēt fidei certitudinem, neque multum momenti ad veram pietatem. Quæ autem sunt ejusmodi, ut absque illis Gratia Dei gratuita in hominum salute procuranda enervetur, & liberum arbitrium in Dei solium evehatur,
pro

pro illis, tanquam pro artis & focis dimicandum; nec ullo modo sinendum, ut certitudo salutis nostræ, à firmitate divini propositi ad humani arbitrij fragilitatem revocetur. Verum, si qua intercurrent, quæ in ipsis Ecclesijs Reformatis nondum definita, à doctis, & pijs in utramque partem, sine fidei detrimento probabiliter disputantur, non decet graves & moderatos Theologos, quæ ipsi in talibus privatim sentiunt, omnibus credenda obtrudere. In hisce salva res est, modo id caveatur, ne diversitas opinionum aut inter Ministros solvat vinculum pacis, aut in populum spargat semina factionis.

Porro & illud monemus, inter ea, quæ certa sunt, & in verbo divino solide fundata, esse tamen quædam, quæ non sunt omnibus promiscue inculcanda, sed suo loco & tempore prudenter attingenda. In his est sublime *Prædestinationis mysterium*, suavissimum illud quidem, & solatii plenissimum, sed illis solis, qui in fide radicati sunt, & in pietate exercitati, qualibus in gravi conscientiae luctu instar firmi propugnaculi esse potest.

Verum enim vero ubi Prædicantium quorundam imprudentia ad hanc abyssum speculandam vocantur, qui nondum prima religionis fundamenta probe didicerunt, quibusq; mens adhuc carnalibus affectibus tota diffluit, id vnum efficitur, ut, dum de arcana Prædestinatione litigant, salutiferum Evangelium negligant, & dum nihil aliud, quàm Prædestinationem ad vitam somniant, viam vitæ æternæ prædestinatis constitutam nunquam insistant. De Reprobationis arcano maiori sollicitudine cavendum, ut non modo parce prudenterq; proponatur, sed etiam ut in eo explicando studiose vitentur horridæ illæ opiniones & in Scripturis minime fundatæ, quæ ad desperationem potius quam

quam ædificationem faciunt, & Ecclesias quasdam Reformatas scandalo ingenti gravant. Deniq; de mōrtis Christi pretiosissimo merito ita statuamus, ut nec primitiæ Ecclesiæ sententiam, nec Reformatarum Ecclesiarum Confessiones negligamus, nec [quod caput rei est] promissiones Evangelicas in Ecclesia univēsaliter proponendas enervemus.

Paucula hæc monuimus, potius ut nostrum erga venerandos Fratres amorem, officiumq; testemur, quam quod eos monitis hisce nostris indigere arbitremur.

Quod reliquum est, Deum Opt. Max. suppliciter obsecramus, ut huc colliment, hoc assequantur consilia Procerum, studia Ministrorum, auxilia exteriorum, vota omnium; quo Ecclesia hæc Belgica, extirpatis erroribus, & compositis dissidijs, fide Orthodoxa, ac stabili pace in omne ævum perfruatur, per pacis nostræ sequestrum Iesum Christum Dominum nostrum. Amen.

Subscripserant ac subsignarant,

GEORGIUS LANDAVENSIS		<i>Iam Ciceſtrienſis.</i>
IOANNES DAVENANTIUS.		<i>Iam Episc. Sarisbur.</i>
SAMVEL WARDVS.		
THOMAS GOADVS.		
GVALT. BALCANQVALLVS.		<i>Iam Decanus Roſſen.</i>

FINIS.

Errata Typographica in Suffrag. Colleg.

Pag.	Lin.	pro	lege
14	5	certi	certa
22	16	sufficiunt	suscipiunt
33	20	promised	promissis
49	23	adesse	ad esse
59	25	item	idem
67	vi.	temporare	temperare
68	23	attingunt	attingunt
68	8	58, 59.	68, 69.
72	19	fordibus	cordibus
73	21	capituli	capituli
85	23	voluntatem	voluntatem
89	4	notiones	notiones
90	12	Primi	Prima
94	16	spirituali	spirituale
98	16	illius	illius
		sunt	sunt